











13-12f.

FD 79



IVSTI IPSI  
DE  
AMPHITHEATRO  
LIBER.

*In quo forma ipsa Loci expressa,  
& ratio spectandi.*

Cum æneis figuris.



ANTVERPIÆ,  
Apud Christophorum Plantinum,  
clb. lb. LXXXIX.

Det. 1083 bis  
R. 52560







NOBILISSIMIS  
AMPLISSIMISQ. VIRIS

IANO DOVSE,

PAVLO BYSIO,

ABRAHAMO AB ALMONDE,  
ACADEMIÆ CVRATORIBVS,

I. LIPSIVS *dedico.*



PVS hoc meum, siue  
opellam potius, de  
Amphitheatro, vobis,  
Viri Amplissimi, in-  
scripsi: vt in parte ali-  
quâ exsoluerem & la-  
xarem vinclum istud beneficiorum,  
quo artè me ligastis. Debere enim lar-  
giter me vobis fateor. siue meo nomi-  
ne: quòd hospitem & pænè ignotum  
excepistis, fouistis, ornastis. siue magis  
publico: quòd vitam ac spiritum reddi-  
distis optimarum artium studiis, quæ  
profugæ inter insana hæc arma, apud



exteros iam circumspiciebant, noui  
 exsiliij sedem. Sed vos perculsas eas ac  
 trementes firmastis: & cum multorum  
 admiratione, quorumdā inuidiā, in  
 eā regione collocastis quæ antea Mer-  
 curio magis amica, quàm Mineruæ.  
 Magna hæc res & laus, apud animos  
 non minutos: & quæ redundet ali-  
 quando necessum est, non ad Belgicæ  
 solum commodum, sed Christiani hu-  
 ius orbis. Scilicet multum est in his  
 temporum tenebris ac ruinis, lucem  
 tamen aliquam priscae & ingenuæ do-  
 ctrinæ retinere: sine quâ nec memoria  
 rerum temporumque adseruari, nec  
 mitescere iuueniles animi ferio pos-  
 sint, & ad humanitatem imbui ac vir-  
 tutem. Vt enim fertilissimos agros sil-  
 uescere paullatim & sentibus obse-  
 ri videmus, sine humana subactione  
 aut cultu: sic optima ingenia efferari &  
 inhorrescere, sine cultura ista littera-  
 rum. Laudabiles igitur vos, qui pru-  
 denter id vidistis; animose tentastis; fe-  
 liciter



liciter perfecistis: vocatis & adductis  
in nouum hoc Athenæum viris, quo-  
rum aliqui eruditione & splendore  
nominis clari per Europam. In quo  
tam præclaro instituto vt perseueretis,  
non vos hortor (scio facturos vestra  
sponte:) illud magis rogo, vt munus  
hoc meum, magnæ gratitudinis exi-  
guum apud vos pignus sit. quod vt ad  
gloriam aliquam vestri nominis faciat,  
opto & vix spero: iuuentutis tamen  
nostræ studia adiutū eo iri, sine super-  
biâ confido, imò confirmo. Valete.  
Nonis Ianuariis, Anni ∞. Io. LXXXIV.


A

3

AD



## AD LECTOREM.


 VM uniuersam rem Spectaculorum veterum illustrare statuissem, Muneris inquam, utriusque, Circi, & Scenae, atq. ad eam cogitationem parata mihi iam materia omnis & seges: valdè pro bono mihi visum, imò necessario, de Locis ipsis eorumq. formâ quedam prædici. Nam cum ratio tota ludorum innexa iis & apta sit: fit omnino, ut qui illa non capiat, istos parum firmiter teneat, & caligans hæsitanisque nesciat etiam quæ scire se arbitratur. Itaque cum libros meos de Gladiatoribus iam emisisset, non sine causâ Senatoria & Equestris plausu; illos De Venatione in manibus haberem & perpolirem: hoc quod vides, De Amphitheatro, prius contexui: in quo imago, facies, habitus omnis Arenæ expressus quâ stilo meo, quâ penicillo. Nam nec formas & imagines operum neglexi. et si fateor, maiorem me rationem rituum duxisse, quam Architectura. Illis enim hæc nostra seruiunt & prælucent, ut illos volumus scriptoribus priscis. Tamen nec Architectura spreta à me prorsus, quatenus ea quidem ad



7  
dem ad voluptatem aliquid conferre videretur siue  
admirationem. Sed quidquid hoc est opera, seria-  
tum id mihi & verè ludicrum fuisse, non nego. Vix  
enim duodecim dierum tota ista scriptio & medi-  
tatio est: quos lege ac more sepositos à seriis publi-  
cisque Lectionibus, transferre mihi visum ad hanc  
curam. Nec adfirmatione alià res eget ipsum syn-  
tagma ostendet, non eà curà ac cultu fortasse, quo  
quedam è meis. Sed quid opus, aut nervos in remis-  
sionibus intendere? aut seriò tractare ludos? Mihi  
(licet Invidià audiente & gemente hoc dicam) non  
istà, non alià ex Antiquitate tractare arduum: ad  
qua explicanda otium fortasse aut voluntas deesse  
mihi poterit, nunquam facultas. Nec placeant,  
sibi nimis, qui nescio quid tale adnotant & decer-  
punt per partes. Sed me amor aliud studiij iam in-  
cendit, & acri quodam thyrsò pectus mihi percus-  
sit alta illa Diva. Sapientiam intellego: cuius me-  
racos purosq; fontes nūquam erit ut nimis misceam  
aut diluam mitioribus istis succis. Adhibebo ta-  
men: sed ut lusum, non ut curam; ut accessionem,  
non ut opus. Quem eundem animum in his tali-  
bus, mi Lector, ex animo tibi opto. Salve.



AD LIBRUM  
DE AMPHITHEATRO  
L. LIPSI VIRI CL.

QVOD fuerat magnis quondam decus Amphitheatris,  
Longena annorum sustulerat series:

Et quamuis olim cunctorum in se ora trahebant,

Cognita & Eois cognita & Hesperius,

Ignorata diu tamen atque inhonora iacebant,

Nilque erat è priscâ nobilitate super.

Ipsam etiam nomen periisset, si modo certum

Ferre recusasset Lipsius auxilium.

Ast hic illorum casum miseratus acerbum,

Amphitheatra suo restituit decori;

Et, quæ iure bono potuissent Rudera dici,

Antiquo tandem nomine digna facit.

Iure igitur dubites quonam pro talibus ausis

Lipsiaden potius condecores titulo.

An Caesar dicendus erit, qui plus facere vnus

Ingenij mirâ dexteritate potest;

Quam tot Cesario gaudentes nomine, quorum

Roma diu celso paruit imperio?

Nam quæ millenos vix hi potuere per annos

Præstitit exiguo Lipsiades spatio.

Adde, quòd horum quæ fragili sunt condita dextra,

Cedant damnosi temporis arbitrius:

Sed quæ Lipsiade doctâ sunt condita mente,

Vincent damnosi temporis arbitria.

Quare aliquid maius querendum est, quod magis dignum


Sit diò magni Lipsiade ingenio.

Quid tamen inueniam? Tantum illud dixero Lipsi,

Nulla tuas laudes pagina mēsvæ capit.

Iustus Raphelengius







AMPHITHEATRUM


TITI

CAP. I











## DE AMPHITHEATRO

## LIBRI

## CAPVT I.

*Dialogi occasio. Florentij laus. Urbs diruta,  
non diruta: & splendida eius ruina.*



V M Romæ adolescens admodum  
agerem, lustrandæ & noscendæ in-  
primis antiquitatis: familiaritas mi-  
hi fuit sanè utilis cū Nicolao Floren-  
tino populari nostro: viro à quo elo-  
gium Veritas numquam spernet veræ modestiæ &  
doctrinæ. Sed illa, in eo statim & adspectu ipso elu-  
cebat: hæc, secreta magis & recondita, nec eruenda  
nisi in consuetudine aliquâ & vsu. Vt gemmarum  
lapidumq. arcana vires, non nisi attritu & experien-  
do apparent: sic in plerisque vera eruditio, quæ inte-  
riori animo insita foras non spectat aut pendet. Alie-  
nus eniuverò hic noster ab omni ambitione siue ty-  
pho, Barauâ quâdam simplicitate agebat: quique  
scire ipse, quàm sciri, nosse multa, quâ à multis nosci  
præoptabat. Sed cum primis illi studium & scientia  
locorum monumentorumq. veterum: quæ curiosè  
iam aliquot annos lustrabat, indagabat: acri quodam  
& directo iudicio, noua cum priscis, prisca cum illis  
componens. Haud temerè illum fugiebat, quid, non  
dicam in quaque parte Urbis, sed Italiæ, eximium  
B. fuisse,

Nic. Floren-  
tij laus.

Doctrina  
vera, non ia-  
stibunda..

fuiſſet: & ex leuibꝫ quibꝫſdam errantibꝫſqꝫ veſti-  
giis, mirum quàm ſagaciter perueniebat ad cubilia  
ipſa. Cum hoc igitur viro. & ſerino mihi tunc cre-  
ber, nec infrequens ambulatio: cùm ſtudio quodam  
Antiquitatis incenſus (cuius amor, vt cum Pindaro  
dicam, pupugerat mihi mentem) ſæpe & peterem &  
promerem aliquid ex hoc theſauro. Quod ipſum ac-  
cidit die quodã æſtuo pomeridiano, cùm ego cum  
ſtatim à prandio (vnà enim fueramus) manu pren-  
dens, Imꝫſne? inquam. Quò iam? inquit ille. So-  
lemni noſtro more, inquam, per colles iſtos ambula-  
tum. Ille paullò adductior, At ſolem hunc non vides  
Lipſi? inquit. quem ſcire debes peregrino capiti Ro-  
mæ non amicum. Ego cum riſu, De ſole ſecurus es,  
meã quidem cauſã, inquam. Vetus ego illi alim-  
nus, nec quidquam metuo à meo Phœbo. Ita mox  
ſumptis palliis exiuiꝫ, & præter Vipſaniꝫ Pantheon  
tranſgreſſi, collem Capitolinum adſcendiꝫ, de-  
ſcendiꝫ: tandemqꝫ. per Forum Ro. & Tiri arcum  
ſiue fornicem euntes, haud procul ſtetimus à Princi-  
pis eiꝫ\* molé. Pedem enim hîc fixit Florentius, Et  
viſne Lipſi, inquit, diſperſa in hoc campo oſſa paul-  
liſper legamus magnæ matris? Romam dico. cuius  
reliquias & velut cineres adhuc vides, etſi crematæ  
non vno buſto, euerſæ non vno fato. Tres ad pul-  
cherrimum hoc mundi opus euertere diꝫ conſpi-  
rarunt, Cronus, Vulcanus, & pater ipſe gentis.

Sol Roma-  
nus noxius  
inſuetis.

amitbo  
-si non sicut

\* Amphi-  
theatro Titi.

Roma ſæ-  
pius euerſa,  
non perijt.

*Non tamen annorum ſeries, non flamma, nec enſis*

*Æternum potuit hoc abolere decus.*

vt antiquus quiſpiam poëta verè ait. Scilicet hæc ipſa  
ruta



ruta & cæsa spirant etiam Romam veterem, & velut  
 scintillas emittunt prisci splendoris. Ex parietinis ecce  
 istis & ex lapidibus, imago statim animo oboritur  
 vrbis, quæ vna fuit ab omni ævo, vna erit. Sed iam  
 distinctius lustremus. Viden' tu collem illum ad læ-  
 uam? Esquilix sunt. Radices eius? ibi Carinæ. paullo  
 longius, Thermæ Titi. Hic, Vicus sceleratus. Et cum  
 diceret ille sedulo atque indicaret, ego in aliâ cogita-  
 tione defixus, oculos & mentem omnem habebam  
 in ædificio quod exaduersum. Itaque latus mihi teti-  
 git, & Itane aliud agis? inquit. Ignosce, inquam. Inui-  
 tos oculos meos traxit & velut fascino eximia illa  
 moles. Et dic sodes, cuius hoc opus? quando? quâ  
 fini? quâ olim formâ? Florentius renidens, Næ tu  
 multa simul & semel petis, inquit. ac vereor, cum  
 Plautino illo Sycophantâ, ne face & viatico nobis  
 opus sit ad tam longæ narrationis iter. Tamen doce-  
 bo te in parte. transi huc, & propius lustra.

Tarditaqua-  
 dam male-  
 fias ruina-  
 rum.

Amphithea-  
 tri semiruta  
 moles.

Amphithea-  
 tri semiruta  
 moles.

Amphithea-  
 tri semiruta  
 moles.

Huc pertinet forma

## CAPVT II.

*Ad Amphitheatri descriptionem aggressio. Primò de no-  
 minibus eius quaesitum. Cur Amphitheatrum dictum,  
 & cur Cauea.*

**I**A M intrauimus, & videmus ecce cõfusam loci fa-  
 ciem, & formam verè informem. Lacera omnia  
 & dirupta, nec aliud quàm egregij operis vmbra &  
 cadauer. Itaq. cum suspirio ad Florentium, Heu quæ  
 ista res? inquam. Manu omnia diruta, vt video, aut  
 collapsa ævo: sine articulis vllis prisci corporis, sine  
 membris.

lib. IV

B 2

membris. & quis mihi eruet ex istis verum vultum? Periti, inquit Florentius. inter quos non ego: tamen quoniam auidè aues, lineas tibi eius operis videor posse ducere, & deformare id in parte. Adiuua hoc, Florenti, inquam ego, per tuam fidem. Certè si vllum opus dignum memoriâ & notitiâ nostrâ est, videtur istud. Nec erras, inquit. Itaque cum Aristophane,

\* *A capite  
adusque cal-  
cem cuncta  
edisseram.*

Ex Ἰσ. ποδῶν ἐς τὴν κεφαλὴν σοὶ πάντα ἐρῶ: quod sciuerō quidem ego, poteroquē. Nam quædam etiam esse, in quibus hæreo & caligo, non nego.

\* *Quia Ne-  
romis cum  
capite Co-  
lossus in vi-  
ciniâ.  
Trina no-  
mina eius  
ludicri loci.*

Vastum igitur hoc omne quod vides, spectaculi locus fuit & ludicræ voluptatis. \* Colissæum, vt scis, hodiè dicunt: prisci Amphitheatrum, & sæpe Caueam, sæpe Arenam. Tria enim hæc nomina reperio. Amphitheatrum Græcâ voce ideò, quia gradus circum vndique, & sedilia continenter disposita ambi-

\* *Lib. XLIII.*

bant in orbem. Dio \* Cassius: Ὁ θέατρον καὶ νεανίδων, ὃ καὶ Ἀμφιθέατρον, ἐν τῇ πόλει παρὰ τὸ δευτερεῖον ἀπὸ τοῦ οὐκ ἐστὶν, περὶ τῆς πόλεως. i. *Theatrum Venatorium, quod & Amphitheatrum dicitur, ex eo quòd vndiq. sedes habeat sine vllâ scandâ.* At Cauea Latinis, ab interiore hac parte quæ cōcaua, vt vides, & capaci quodam profundo. Quod nomē quidem apud antiquos (libertà rep. dico) in theatris ferè hæsit: sed sub Principibus, cum gratia & vsus Amphitheatrorum increbuisse, bono iurē migravit ad ista. Ammianus libro. x. x. i. x. *Alter in*

*Cauea à ca-  
uo dicta pri-  
scis.  
\* Et vix ali-  
ter apud Ci-  
ceronem ac  
veteres.*

*At nouis pro  
ipso Am-  
phitheatro.*

*Amphitheatrali cauea, cum adfuturus spectaculis introiret.* Tertullianus contra Marcionem: *Quid? non in omnem libidinem ebullis? non frequentas solennes voluptates Circi furentis, & Cauea seuiantis, & Scana lasciuiantis?*

*Vbi cum*



Vbi cūm scūtiam Cauæ adtribuat; clarum est intellegi de Amphitheatro. Saluianus pariter: *Quidquid immoderationis in Circo, quidquid furoris in Cauis.* Iulius Firmicus: *Nati sub sidere Canicula, erunt venatores, arenarij, parabolarij, & qui sub conspectu populi, in Cauis, cum feris pugnent.* Prudentius:

*Quid puluis Cauæ semper funebris, & illa*

*Amphitheatralis spectacula tristia pompe?*

Idem iterū de Virgine Vestæ quæ it ad Gladiatores spectandos:

*Inde ad confessum Cauæ pudor almus, & expers*

*Sanguinis it pietas.*

Appulcius item apertè: *Dies ecce muneri destinatus aderat, & ad conseptum Cauæ, prosequente populo, pompatico fauore deducor.* Tertullianus (si recta lectio est)

*\*Funera autem ad Scannam referri non possunt.*

*Caula, pro caucā.*

Caulam etiam in libello De spectaculis dixit, nouè magis quàm improprie: *Ceterū qualia illa sunt, quæ nec oculis vidit, nec auris audiuit? credo Circo, & Utræque Caulâ, & omni Stadio gratiora.* Vbi eā voce includit etiam Theatrum, nisi si legendum *Caued.*

### CAPVT III.

*Arenæ nomine dictum eundem locum: idè quia sterni arenâ solitus. Cuius generis ea stratura? quam varia?*

*Plinius. & Ouidius explicati. Arenarij. Tertullianus emendatus, & declaratus.*

**S**ED & Arenâ dixere vulgò, scilicet quia is locis de fabulari solet & arenâ sterni in vsum pugnae. Nam si lapide aut ruderato: in tam crebrâ effusione sanguinis, lubrico statim paupemeto, quæ ratio standi

*Causa infestendæ arenæ.*

Quam per  
pueros quos-  
dam, non si-  
ne lusus  
specie, reno-  
uabant.

aut certandi? Arenam iniecere igitur, quæ bibula: & quam ipsam renouare & velut inarare etiam soliti per interualla ludorum. Martialis ostendit, de Leone subito efferato:

*Nam duo de tenerâ iuuenilia corpora turbâ,  
Sanguineam rastris quæ renouabat humum,  
Sæuus & infelix furiali dente peremit.*

*Martia non vidit maius Arena nefas.*

Arena à la-  
pide abra-  
sa.

Et credo quidem vulgariam arenâ insterni solitam: nisi quòd quidam rasuram lapidis albi destituerunt etiam huic rei, quæsitâ gratiâ candoris. Plinius libro XXXVI. Inuenere & alium usum eius lapidis, in ramentis quoque, Circum maximum sternendi, ut sit in commendatione & candor. Nec scio an ad hunc morem, mentem & calamum Ouidius flexerit, cum de Gladiatorum spectaculo scribit:

*Altera tresque super rasâ celebrantur arenâ.*

Minio  
etiam, aut  
chrysocollâ.

Rasam enim arenam ingerunt hîc consensu fidi & prisca libri, nec causam adiectionis aliâ facile inuenio ab istâ. Nisi si Rasa idcò, quia superficies illa æquabilis, tersa vento & velut rasa. At Principes interdum, arenæ loco, instrauere minium aut chrysocollam. Plinius: Visumque est Neronis Principis spectaculis Arenam Circi chrysocollâ spargi, cum ipse concolori panno aurigaturus esset. Suetonius de Caio: Edidit & Circenses quosdam præcipuos, minio & chrysocollâ cōstrata. Sed hæc monstrorum aliquot dementia, quibus satis non fuit ostentare opes suas in spectaculis: voluerunt & calcare. Ceterum Editorum vulgus contenti, ut dixi, arenâ. Inde ea vox passim pro cer-

tamine



tamine Amphitheatrali, proque ipso loco. Tacitus: *Arena pro certamine & loco.*  
*Spēctacula gladiatorum idem ille annus habuit, pari magnificentiā ac priora: sed faminarum Senatorumque illustrium plures per Arenam fœdati sunt. Iuuenalis:*

— & *municipalis Arena*

*Perpetui comites.*

Suetonius: *Equeſtrem ordinem ut Scenæ Arenæque deuotum adſiduè proſcidit.* Horatius:

*Ne populum extremâ toties exoret Arenâ.*

Capitolinus: *Multos qui ſecum in Arenâ pugnaſſent, ſe Prætores videre. In edicto Ædiliū: Quine in Arenam, depugnandi-cauſſâ, ad beſtias intromiſſus fuerit. Sed nonne & Circus & Stadium, inquires, arenis ſtrata? non & illa igitur in communionem admiſſa huius vocis? Strata: ſed non admiſſa. caue credas. quotiensque Damñari in Arenam, Arenâ mitti, taliaque in Iuriſconſultis ſiue Hiſtoricis legis, cautè accipias de ferro tātum, aut cultro. id eſt, Gladiatoribus, aut Venatione. & magis pro iſtâ. Imperator quidem clarè diſcriminat ecce à Circo, lege viii. C. De repudiis: Nec vllō modo vxorem expellet niſi adulteram, vel Circenſibus, vel Theatralibus, vel Arenariū ſpectaculis ſe prohibente gaudentem. In quo uſum quemdam ſermonis obtinuiſſe potiùs, quàm rationem non inſitebor. Ab hac ſtirpe Arenarij, qui in arenâ depugnant. Symmachus: Dies muneris noſtri temporì admouetur: cui largitas candidati ſola non ſufficit, ſi lautioribus Arenariis deſeratur. Arcadius Iuriſconſultus: Si ea rei conditio ſit, ubi Arenarium teſtem, vel ſimilem, admittere cogimur. id eſt, Arenâ alterutrâ pollutum: ideoque. infamem. Ter-*  
*tullianus:*

*An eâ voce  
& Circus  
veniant?*

*Non videtur*

*\* Id eſt,  
utriuſque  
muneriſ.*

*Arenarij qui  
dicti.*

•Vulgo scri-  
bunt, viris  
animas, fa-  
minis aut  
illis

Tertullia-  
nus decla-  
ratus.

Et correctus.

tullianus. *Scenicos Xysticos, Arenarios illos amentissimos, quibus viri animas, foeminae autem illis etiam corpora sua substernunt.* Ita scribendus indubiè is locus: & significat pius & seuerus noster Censor, insaniisse in hoc genus hominum non vnâ Faustina. Nimirum, vt poëta ait, — *ferrum est quod amant: imò telum.* Nec alia, quod sciam, loci huius nomina. Nam eiusdem Tertulliani illud inuolutum, libello de Spectaculis, cap. x i i. emendatione verâ euoluo: Legunt vulgò: *Quid ego de horrido loco dicam quem nec periuria sustinent? Pluribus enim & asperioribus nominibus Amphitheatrum consecratur, quàm Capitolum omnium demonum templum est.* Frustrâ quæras hæc nomina. Scribo igitur, & distinguo: *asperioribus numinibus Amphitheatrum consecratur, quàm Capitolum. Omnium demonum templum est.*

#### CAPVT IV.

*Ex occasione, de diis quibus Amphitheatrum sacratur. Dianæ inprimis. Joui Latiori, siue Diti. item Saturno. Ara Iouis in Arenâ. Mactatio ad eam stata vnus è bestiarius. Tertulliano ac Minutio lux.*

**Q**UOD vt tibi liqueat: nō defugiam breuiter ea commemorare, quoniam id quoq. ad lucem huius rei. Dedicabant inprimis locum & ludum hunc Dianæ. Tertullianus: *Martē & Dianam vtriusque ludi* (Gladiatorium & Venatorium designat) *præfident nominibus.* Cassiodorus, magis distinctè, sacrat Dianæ Tauricæ. *Spectaculum*, inquit, tantum fabricis clarum, sed actione teterrimum, in honorem Scythicæ Dianæ repertum,



reperitum, quæ sanguinis effusione gaudebat. Nec ab aliâ  
causâ, Dianam pro ipsâ Venatione amphitheatrali  
Martialis posuit:

Diana, pro  
ipsâ Vena-  
tione am-  
phitheatri-  
ca.

Inter Casarea discrimina sæua Diana.

Sed & Ioui sacrabant, siue Latiari, siue Stygio. De il-  
lo, Tertullianus Apologetico: Ecce in illâ religiosissima  
Æneadarum vrbe est Iupiter quidam, quem ludis suis hu-  
mano sanguine proluunt. Sed bestiariorum, inquitis.

Iupiter La-  
tiaris.

Opinor hoc minus, quàm hominum. Idem scriptor, ad-  
uersus Gnosticos: Sed enim Scytharum Dianam, Gallo-  
rum Mercurium, Afrorum Saturnum, victimâ humanâ  
placari apud seculum licuit. Et Latio ad hodiernum Ioui

mediâ in vrbe humanus sanguis ingustatur. Minutius  
Felix: Iupiter cùm Hammon dicitur, habet cornua: &  
cùm Capitolinus, tunc gerit fulmina: & cùm Latiaris, cruo-  
re perfunditur. Stygium siue infernalem interpretari  
eum videtur Prudentius:

\* Ideo, me-  
diâ, quia Ti-  
ti Amphit-  
heatum in  
vrbe mediâ.  
ut infra de-  
ceat.  
Siue Sty-  
gius.

Quid pulvis Cærea semper funebris? & illa

Amphitheatralis spectacula tristia pompæ?

Hæ sunt deliciae IOVIS INFERNALIS, in istis

Arbiter obscuri placidus requiescit Auernei.

Et aram inò Ditis in Amphitheatro positam agno-  
scere, quæ sanguine hoc perfusa.

Funditur humanus\* Latiari, in munere sanguis;

Confessusque ille spectantum soluit ad A R A M

P L V T O N I S fera vota sui: quid sanctius A R A

Quæ bibit egestum per mystica tela cruorem?

\* Ita distin-  
guo & capio,  
non ut mu-  
nus Latiare  
appellet; sed  
ut Ioui La-  
tiari fusum  
sanguinem  
in munere  
velit.

Quinimò ex Minutio colligas, solemne quoddam  
ibi hominis sacrificium fuisse, velut ad committen-  
dos ludos. Ait: Hodieque à Romanis Latiaris Iupiter ho-

Maestatio  
horrida, nec  
Romanorū  
cultu digna.

Tertulliani  
correctio.

micidio colitur, & quod Saturni filio dignum est, mali & noxij hominis sanguine saginatur. Mali, inquit, & noxij hominis. id est Bestiarij. Itaque labor ut in Tertulliani loco, quem primitus adtuli, cum melioribus libris legā: *Sed bestiarij, inquitis. Opinor hoc minus, quam hominis.* Sed præter hos deos, Saturnus etiam in partem venit huius tutelæ. Lactantius ita adserit, ex sententiâ Sinnij Capitonis: *Venationes & quæ vocantur Munera, Saturno adtributa sunt: ludi Scanici, Libero: Circenses, Neptuno.*

## CAPVT V.

*Quando prima Amphitheatra cœpere. Videri serò irrepsisse: idque statim post Venationem. Sed lignea primò fuisse. mox è lapide, Statilij Tauri. Augustum deditum Venationibus. Dio correctus. Antiquariorum error in loco Tauriani Amphitheatri.*

Ortus Amphitheatrorum non liquidus.

\* Quas promol. i. De Venat.

Curionis versatilis moles.

**D**E impiâ vanitate, satis. ad locum describendum redeo: cuius primum ortum & quasi natalem diu quæsiui frustra. Non enim magis clarum, quando Amphitheatra hæc instituta, quam quando Venatio ipsa. Quam posteriorem Gladiatoribus esse, & in Circi sede diu hæsisse: inducor non vanis coniecturis. Nata tamen Amphitheatra, nisi fallor, haud diu ante tempora reip. desidentis. & quidem temporanea primum, & è ligno. Ita Curionem (illum Tribunicium dico, qui tuba belli ciuilis) ligneam molem exstruxisse, quæ diducta, duo Theatra redderet, iterumque Amphitheatrum vnum, conducta, Plinius refert libro x x x v i. Et in Dione lego, Theatrum



trum quoddam è ligno exstructum, corruisse cum multorum clade. Verba enim eius sic rescribam, libro XXXVII. \* *Καὶ τὴ καὶ θέατρον πρὸς πανήγυριν τινα ἐν ἑλῶν ὑποδοκμήμενον ἀνέβλεπται, καὶ ἀνδρες ποιοῦντες ἀπώλωνται.* non vt vulgò, ἐν σύρον. ex quo interpretes nescio quid perplexi expedit siue impedit potius, ad ludos de Syris. Sanè valdè recepta & crebra, Spectacula hæc lignea. quod Vitruuius etiam suggerit, libro v. *Dicit aliquis fortè, multa theatra Romæ facta quotannis, nec ullam rationem harum rerum in his fuisse. sed errabit in eo, quod omnia Publica LIGNEA theatra tabulationes habent complures, quas necesse est sonare.* Et Cæsar ipse Iulius, iam Dictator, Amphitheatrum ligneum exstruxit in campo Martis: quod Dio Cassius ad significare videtur fuisse inuenti noui. Libro XLIII. \* *πολλὰς, inquit, καὶ παντοδαπὰς ἀγῶνας ἔδωκε, θέατρον τὴ Κωνσταντίνου ἐκείνου, ὃ καὶ ἀμφιθέατρον (ἐν τῷ πύλῳ πανταχόθεν ἔδωκε ἀπὸ σκηνῆς ἔχειν) προσέρρηκε.* Dixi ligneum, quia Dio verbo vitur *ἐκείνου*: & quia postea memoria eius nulla. At sub Augusto, & Venatio valdè iam increbuit, & increuit eius dignitas. Siue vnà cum opibus augescente luxu: siue potius, quia ipse Princeps valdè in hunc ludum pròfus. Victor de eo: *Quodque est lati vel amari animi, oblectabatur omni genere spectaculorum,* PRAECIPVE FERARVM incognitâ specie & infinito numero. Et ipse Augustus in lapide Ancyrano fatetur, Venationes se dedisse, QVIBVS. CONFECTA. SVNT. BESTIARVM. CIRCITER. TRIVM. MILLIVM. ET. QVINGENTA. Itaq. statim Venationi tunc reperta propria & mansura domus. Amphithea-

\* Atqui *Ἐ* theatrum è lignis ad ludos quosdam factum collapsum est, & plurimi mortales perierunt. Coniectura in Dione. Lignea theatra & amphitheatra crebra. Iulius Cæsar exstruxit.

\* Multos & varios ludos instituit, Viseum quoddam è tabulis & materie compositum: quod *Ἐ* Amphitheatrum (ex eo quod vndeque sedilia sine scenâ illâ haberet) appellatum est. Augustus fautor Venationi cruentæ. Quot feras dederit suis muneribus.





## CAPVT VI.

*Tauri Amphitheatrum exustum, & reparatum. Aliud maius à Vespasiano structum. vrbe veteri mediâ. Suetonius correctus. Fortasse & Victor. Titus dedicauit id opus. postea collapsum, & saepe instauratum.*

**S**TATILII ergo illud in multâ famâ, & vsu: donec ambustum sub Nerone. Xiphilinus admonuit, vbi de magno illo incendio: τὸ τε Παλάτιον τὸ ὅρος σύμπαν, καὶ τὸ δέσφον τῶν Ταύρων ἐκαύθη: id est, Mons Palatinus vnuerfus, & Theatrum Tauri exustum. Et quamquam restitutum postea. (Victor id suadet, qui ponit inter opera, quæ æuum ferebant suo æuo:) tamen quia incendio, illo intormius redditum & infirmius, occasio data Vespasiano & cupiditas struendi noui. Struxit, & quidem vt Suetonius ait, in mediâ vrbe: hoc ipsum, Lipsi, quod insistimus, quod manu oculisque tangimus: & quod iure miremur iniuriis restituisse tot annorum, tot bellorum. Ego interrompens, Sermonis mihi venia sit, inquâ: Hoc illud, ais, quod vrbe mediâ? Valdè erras. Oculis hunc vrbis ambitum, siue perticâ metire: à latere propius aberit, quàm ab vmbilico. Florentius, Pomœrium te decipit adolescens, inquit, nouæ vrbis: quod ab Aureliano, & post illum est. At veterem finitionem & limitem si inspicias: nihil verius Suetonij notâ. Cuius ipsa verba referre mihi pretium, vt emendem. In Vespas. cap. IX. *Fecit Amphitheatrum vrbe mediâ, cui destinasse compererat Augustum. Amplissimos ordines & exhaustos cæde variâ & contaminatos veteri*

Causa noui Amphitheatri.

Quod vrbe media Vespasianus cepit.

\* Quicampum Martii inclusit.

Labes elota in Suetonij verbis.

Solus Sena-  
rus, ordo  
amplissi-  
mus.  
Quando  
Vespasianus  
cœperit.

Titus id ab-  
soluit.

Victoris pa-  
rum clara  
aut certa le-  
ctio.

Durus ipse,  
& ferrei styli  
scriptor.

*negligentiâ, purgavit supplevitque. Scribo & interpungo: amplissimum. Ordines.* Amphitheatro enim data laus & titulus, Amplissimi: non Ordinibus. è quibus soli Senatui cōuenire eum scio, nec tributum Equiti vnquam. Struxit autem Vespasianus in consulatu suo octauo: id est, vix biennio, ante vitæ finem. Inducor à Nummo, cuius inscriptio: I M P. CAESAR. VESPASIAN. AVG. COS. V I I I. P. P. & parte alterâ, expressa hæc Amphitheatri figura. Itaque cœpit opus ipse, non absoluit: struxit, non extruxit. At Titus filius summam manum imposuit, idemque dedicauit. Duorum ergo Principum opus: ideoque non malè Sex. Rufus qui ambiguè inscripsit, *Flauij Amphitheatrum.* etsi fama & vulgus Tito magis adiudicari: siue fauore quodam in illum, siue potius ex Romano ritu, quo receptum opera censerî à dedicante. Non satis consideratè igitur Eutropius & Casiodorus, qui fecisse Titum id autumant: magis Aurelius Victor, qui perfecisse. *Biennio post, inquit, ac menses ferè nouem, Amphitheatri perfecto opere, lautusque veneno interijt.* Vbi Lauti vox meis naribus parum clauta. quam enim habet sententiam? scribamque libens, *Amphitheatri perfecto opere, Lautibusque: vel, Lautiisque.* Censeo enim duo opera commemorari ab eo Titi, Amphitheatrū & Thermas. Quas infrequenti nomine Lautus adpellat: vti Festus Lautulas, *Loca vbi lauandi vsum exercebant.* Durum hoc mihi ipsi videretur, nisi Victorem cogitarem, & reliquam eius, adfectatæ nouitatis, phrasim. Atque hi duo soli Principes fecere, alij refecere, cū casu aliquo læsum,



sum, aut igne. Inter eos M. Antonius Pius, vt refert Capitolinus: *Opera eius, inquit, Romæ hæc exstât. Templum Hadriani, Græcostasium post incendium restitutum, instauratum Amphitheatrum.* Item Eligabalus, Lampridij testimonio: *Amphitheatrum ab eo instauratum post exustionem.* Denique Senatus ipse eam tuitionem suscepit, sub Gordianis. Capitolinus: *Quid enim opus est de restitutione templorum, de thermis Titianis, de ædificatione Amphitheatri agere? Ita multorum curâ, & Genio quodam Perennitatis, peruenire tanta machina potuit ad hoc æui.*

Multi referunt Amphitheatrum.

\*Quæ nescio an in Agellio restituenda sint, lib. 111. cap. 1. Apud balneas Titias. non autem Sitias, vt libri. Nec tamen adfirmo.

## CAPVT. VII.

*Communis Amphitheatri Titiani forma. Altitudo, & capacitas eius. Laus & præconia. Denique ubi situm. Martialis explicatus.*

**V**ERE enim grandis. Altitudinem hanc vides? nunc quoque miranda est: et si multum à vertice eius corruit, multum à pedibus subsedit. Ammianus de eâ: *Amphitheatri moles solidata lapidis Tyburtini compage, ad cuius SUMMITATEM AEGRE VISIO HUMANA CONSCENDIT.* Vides hunc orbem? is quoque capax: & supra tuam fidem. P. Victor: *Amphitheatrum, inquit, quod capit loca LXXXVII. co.* Et de gradibus tantum intellegit, credo: in quorum puluillis sedisse comode vult octoginta septem millia hominum. At in ambitu illo superiore & circumiectis porticuum Aulis, non minus item spectarunt quam dena aut duodena millia: siue stantes, siue in allatis cathedris sedentes. Iure ergo molem hanc

Altitudo Amphitheatri.

\*Nam mole & auro, magna hac pondera clare desident, terrâ cedente. Adde aggestum ruinarum.

Capacitas caueæ gradilis.

† >

Ambitiosa  
fatis laus, à  
Cassiodoro.

hanc admiratus Cassiodorus, in hoc eulogium erupit: *Hoc Titi potentia Principalis; diuitiarum profuso flumine, cogitavit adificium fieri, vnde CAPVT VRBIVM potuisset. Et Martialis ante opera omnia orbis ponit, historicâ, non poëtica fide:*

A Martiali  
item.

*Omnis Casareo cedat labor Amphitheatro:*

*Unum praecunctis fama loquatur opus.*

Intellegit enim hoc Titianum: nec ad Domitianum illa, aut de Domitiano, vt alucinatur interpretum vulgus. Doctorum Curia mecum scit, non ista solum, sed totum Epigrammatum primum libellum in Titum conuenire & eius ludos: quos in dedicatione huius Amphitheatri exhibuit per dies paenè centum. Idem poëta, venerabilem molem appellat.

\* Xiphilinus  
auctor.

*Hic vbi conspiciui venerabilis Amphitheatri*

*Erigitur moles, stagna Neronis erant.*

& simul locum praëit, in quo hoc opus destitutum. qui pars fuit Neronianæ domus. Sub has laudes exclamaui ego, iam ardeo Florenti, ardeo. restingue hunc ignem: & sigillatim mihi explica veterem germanamque faciem huius loci. Florentius, Non inuitus, inquit. scio enim (præter ingenuam delectationem, quæ hîc adiuncta) nihil magis facere ad illustrandam rem omnem spectaculorum. Quorum cum tam crebra mentio in omni genere scriptorum: cur fugiam tenebras tuas pellere exigui sermonis face? Audi igitur. describam tibi omnem interiorem hanc molem, imò depingam: & quidem, quo magis capias, per partes. Bene enim olim Corynna ad Pindarum: *\* Manus serendum esse, non saeco toto.*

\* αἱ χεῖρὶ δὲ  
σπειρεν, ἀλλὰ  
μὴ ὅλῳ τῷ  
δολικῷ.



## CAPVT VIII.

*Ingressio in particularem Amphitheatri descriptionem.  
Primum de formâ eius: quæ Ovalis ostensa. (Alpurnius &) Dio explicati. De solo Arenæ: in quo cloacæ  
siue specus. & cui rei. Item de Portulis.*

**S**ED vîsne admoueamus nos paullùm ad inferiorem hunc parietem, vbi vmbra? Imò sedeamus etiam, si ita visum, inquam, in graduû his fragmentis. Simulq. sedi ego. & ridens, ad Florentium, Quis scit, inquam, si locum nunc non premâ magnæ alicuius vmbrae? Florentius se quoq. iam collocans, Id quidem facile, imò necessum est, inquit. Nam ad podium sedemus, & in Orchestrâ. heu, quot hîc olim Senatores? Sed specta.

Arenæ huius primum, siue caueæ totius forma, non rotunda & orbicularis prorsum est, vt oculi tibi possint imponere: sed porrecta magis patullû, & oblonga. Dimensio id adprobat: ratio ipsa operis: quia Amphitheatrum iunctum & factum ex duobus Theatris, reiectâ scænâ. At Theatrû non iusti hemicycli formâ, sed amplius diametri quartâ parte fuit: vti etiam nunc ostêdit figura reliqua Theatri Marcellai. Ex integro enim circuli ambitu, quartam partem si abscindis: quod maius eius reliquum est, scito Theatrum id fuisse. Atqui ex iis, duo si iungis (ita tamen vt flexas lineas circa abscissionem, diiugas, vel potius extrâ leuiter flectas) Amphitheatrum habebis. Ad compositionem hanc & figuram Cassiodorus præluceat: Cùm Theatrum, inquit, quod est hemispha-

Ratio fabri-  
candi Am-  
phitheatris.

Theatri  
ipsius quæ  
forma.

Duo Thea-  
tra iuncta.  
Amphithea-  
trum exhi-  
bent.

D

rium,

\* Ita vertit  
Theatra, nec  
impropiè  
aut durè.

rium, Gracè dicatur: Amphitheatrum quasi in vnum iuncta duo \* Visoria, rectè constat esse nominatum. Item Isidorus: Amphitheatrum dictum, quod ex duobus theatris sit factum. Nam Amphitheatrum rotundum est, (non id quidem planè verum) Theatrum verò ex medio Amphitheatro est, semicirculi figurā habens. Ovidius clarissimè:  
—structoque utrimque theatro,

Ut matutinā ceruus periturus arenā.

Qui formā  
hæc loca,

Ouo aptissimè comparat idem Cassiodorus: Qui speciem, inquit, eius arena concludens, ut concurrentibus aptum daretur spatium, & spectantes omnia facilius viderent: dum quædam PROLIXA ROTUNDITAS vniuersa colligeret. Itemque Calpurnius in Bucolico, de Venatione Carini:

Calpurnius  
illustratus.

Et geminis medium se molibus alligat ouum.

Nam geminas moles, duo theatra intellegit: eaque alligari vult in ouum. Qui aliter explicant, circumludunt sententiam poëtæ, non tangunt. Idem cum valle comparat, quæ cincta vndique supino monte:

Amphitheatrum valli  
cinctæ in orbem montibus  
comparatum.

Qualiter hæc patulum vallis contendit in orbem,

Et sinuata latus, resupinis vndique siluis,

Inter continuos curuatur concaua montes:

Sic tibi planiciem curuæ sinus ambit Arena.

Nec versibus iis aliâ luce opus, nisi si apud elucum. Dio Cassius idem voluit, cum montem quemdam cum Amphitheatro componit: ὥς, inquit, κυνωπεῖος θεάτρῳ τὸ θεῶς σύμπαν, ὥς μὲν πρὸς μεγάλῳις εἰκάσαι, εἰσένειναι: .i.

Amphitheatrum  
libera.

Ut venatorio theatro (parua magnis comparando) vniuersus mons similis esset. Habes vniuersi huius caui formam, nunc aream vide. Ordiam enim cum archite-

Arenæ area  
libera.

cturis



Eturis ab imo solo. Ea pura, sine substructionibus aut ædificiis, libera tota ad cursum ferarum & ad pugnam. Excipio quod in eâ alibi (partem enim non designo) Ara fuit è lapide: illa dico cruda Ara, quæ sacra Ioui Latari. Prudentius id te docuit: si versus eius audisti non iacenti aure. Iam sub ipsâ areâ, cloacæ. Ita credere me iubet\* Andreas Fulvius: qui magnam etiam partem ædificij tolerari ab iis vult & sustineri. An ipse, an alius viderit, nescio: si vera traditio; ambigam, fuerintne re ipsa cloacæ ad exsugendum educendumque humorem illum\* stagnorū, prouidè structæ: an potius cameræ quædam & specus subterranei, ad custodiam & receptum ferarum. quas tamen illi indiligenter cloacas censuerunt. Siue etiam ad vsum aquarum, quas in Arenam occultè & subitò inducebant atque educebant, ad Naumachias. Certè cum ferina magna vis cottidie in Amphitheatrum induceretur: quæri dignum est, quo loco eæ habitæ aut seruatæ. Non enim omnes simul emissæ. Si in ipsâ areâ vspiam: artarint, locum: si extrâ: quomodo eæ statim perductæ, aut quâ ad manum? Mea quidem opinio sit, partim subterraneos cauos fuisse, in quibus reconderentur sub ipsos ludos: partim depositas eas in caueis sub interiore istâ porticu, è quâ portulæ & aditus phræses pertinent in Arenam. Non tam clarè eas Portulas hæc vides (omnia enim hæc ruinis aggesta & obruta) sed Veronæ clarissimè: vbi vtrunque\* octo, nisi fallor, sub ipso isto Podij muro. At non eæ certè ad spectantium vsum: quia in Arenam tantum conducunt, non ad subsellia aut gradus. D. 2.

Nisi quod  
Ara in eâ  
Ioui.

Cloacæ subterraneæ.

\* Lib. 1. De mirabilibus Urbis.

Ad quem vsum eæ fuerint?

\* Nam in stagnis Veronæ structa Amphitheatrum.

Feræ quomodo sub ipsam pugnam adseruata.

Portulæ in imo muro.

\* Duximus alia aduersa inter se, sed grandiores. & verâ portam.

*De Specubus subterraneis, amplius. item de Caueis in Amphitheatris. Liuij defectus aut expletus, aut sententia eruta. Portæ in caueis, & Plauto lux. Emissio ferarum, & immissio.*

**E**t de Specubus quidē siue cryptis, valdē sententiā meā iuuat Cyriacus Anconitanus, qui maiorum æuo Itinerarium scripsit. In quo de Amphitheatro Veronensi, sic tradit: *Et nunc conspicitur locus rotundus Arene, per totum magnis saxis vndique structus, & vt ita dicam perfilatus. cū intus CVBATIS & ANTRIS multiformiter redimitus sit.* Sicut de Caueis, Liuius libro XII. loco prorsus quidem fracto & mutilo, sed ex quo tamen non obscurē elicio. quod facit istuc. Ait de Censoribus, locasse eos faciendos *carceres in Circo, & oua ad notas curriculis numerandas, & dam, & metas trans & CAVEAS FERREAS pe\* intromitterentur\** In Circo, vt scimus, olim Venatio exhibita, ante Amphitheatra. itaque huic fini ait Liuius *Caueas ferreas exstructas, per quas bestię (ita enim sententiam fuisse suspicor, si non verba) intromitterentur in Arenam.* Nec de aliis Caueis Statius I I. Silu. in Leone mansucto:

— stat cardine aperto

*Infelix Cauca, & clausis circum vndique portis*

*Hoc licuisse nefas pauidi timuere Leones.*

Vbi nota mihi & Portas. quæ vel Cauearū sunt: vel potius istæ Amphitheatrales, de quibus dissero. Certē apud Plautum etiam Portæ in Circo ad bestias emittendas; in Persâ:

Cauca prima  
est ferro,  
quando?

Liuij fracta  
verba, ad  
eam rem.

Statius ex-  
plicatus.

Portæ in ca-  
ueis.

Plautus ex-  
plicatus.

Ubi



*Vbi quid credideris, citius extemplo à foro  
 Fugiant, quàm ex portà ludis cum emissu est lepus.  
 Quem locum totum silentio premit vber aliqui in-  
 terpres: qui (fatendum est) non lucem, sed umbram  
 sæpe facit nostro Umbrò. Ostia videtur Varro ad-  
 pellasse, De Re rust. Ostium habere debet humile & an-  
 gustum, & potissimum eius generis quod cochleâ appellant.  
 ut solet esse in caueâ, in quâ (verius fortassè, è quâ: non  
 enim certè in ipsa Caueâ pugnabant. nisi si Caueam  
 capit, pro Amphitheatro) tauri pugnare solent. Atque  
 ex his Caueis cum impetu quodam emittebantur in  
 Arenam. Vopiscus in Probo: Neque erat bestiarum  
 impetus ille, qui esse Caueis egredientibus solet. ita enim ve-  
 rè & acutè emendauit olim laudatissimus ille Faber.  
 Capitolinus in Gallienis: Cum quidam gemmas vitreas  
 pro veris vendidisset uxori eius, surripi quasi ad leonem  
 venditorem iussit. deinde Caueâ caponem emitte. Emitte-  
 bantur ergo Caueis, iterumq. in eas immittebantur  
 post pugnam. Seneca de Irâ: Curriculi rotarumq. ver-  
 sata facies leonem redigit in Caueam. Sed & Portulas eas-  
 dem ad hunc usum accommodare Vopiscus vide-  
 tur, qui Aditus adpellat. In Probo: Immissi deinde per  
 omnes Aditus struthiones mille, mille cervi, mille apri.*

Leuiter Var-  
 ro correctus.

Emittere fe-  
 ras.

Item im-  
 mittere.

## CAPVT XI.

*Aliter atque aliter solere ornari hanc Arenam. in modum  
 siluæ, in modum maris. Antra pro Caueis: interdum  
 Naues. Vopiscus, Apuleius, Calpurnius emendati.*

**A**TQVE hæc solens & vulgata Arenæ facies: cui  
 nō nego comptum aliquē nouitium sæpe ad-  
 ditum,

Ambitiosa  
Editorum  
inuenta.

Arbores in  
arenam in-  
lata.

Vopiscor-  
rectio.

Capitolinus  
explicatus.

\* Manner  
enim pingi  
solere, docui  
lib. 11. Satyr.

dicum, & colorum quosdam fucos. Varia enim cot-  
tidie ab ambitionis Editoribus extogitabantur, vt  
studia spectantium allicerent lenocinio quodam no-  
uitatis. Ita fuere, qui arboribus hoc planum conse-  
rerent, & Arenam totam verterent in siluam. scilicet  
vt viuiam imaginem exhiberent veræ germanæque  
Venationis. Audax inuentum. & quod non melius  
tibi expresserim, quàm ipsis Vopisci verbis, in Probo:  
*Venationem amplissimam dedit, ita vt populus cuncta di-  
riperet. Genus autem spectaculi fuit tale. Arbores valide  
per milites radicitus vulsæ, connexis longè lateque trabibus  
adfixæ sunt. terra deinde superiecta: totusque Circus ad sil-  
uæ confitus speciem, gratiam nobis viroris obtulit. In quâ  
extremâ clausulâ censeo legas, gratiam noui viroris.*  
Quomodo enim, nobis? nec Vopiscus ipse certè inter  
spectatores fuisse significat: quod abnuat ætas. Neq-  
tamen gratia aut laus huius inuenti penes Probum:  
reperio Gordianum iam antè facitasse idem etiam  
priuaturn. Capitolinum nō aliter accipio, vbi de ma-  
gnificis eius muneribus in Quæsturâ: *Peras Libycas  
vno die centum exhibuit, vrsos vno die mille. Exstat silua  
eius memorabilis, quæ picta est in domo rostrata (sc. Pom-  
peij, quæ ipsius & patris eius & proauis fuit. Sed & in  
Titi spectaculis tale aliquid indicat Martialis:*

*Quidquid in Orphæo Rhodope spectasse Theatro*

*Dicitur, exhibuit Caesar arena tibi.*

*Reperunt scopuli, mirandaque silua cucurrit*

*Quale fuisse nemo creditur Hesperidum.*

Imo æmulabantur id iam in prouincijs: atque Apu-  
leius in muneris Corinthiaci apparatu describit *erat,*  
inquit,



inquit, *mons ligneus adinstar inclyti montis illius quem  
vates Homerus fœdum cecinit, sublimi instructus tabulâ*  
(liber scriptus quem à Gisellino meo sum nactus,  
*instructus fabricâ*, rectius refert) *constitus viretis &  
VIVIS ARBORIBVS, summa cacumine de manibus  
fabri fonte manante fluuiales aquas eliquans.* Nec in  
solo solum hæc variatio, sed in Cauis ipsis, qua-  
rum loco inuenerunt antra quædam cocuntia &  
decuntia, quæ velut è terrâ emitterent subito feras.  
Calpurnius hoc voluit, cum in Carini Venatione ti-  
mide miratur:

Apuleius  
correctus.

*Ab miseri, quotiens nos descendens arena  
Vidimus in partes? ruptaque voragine terra  
Emersisse feras? & iisdem saepe latebris  
Aurea cum croceo creuerunt arbuta libro.*

Et si legi ibi malim, *discedens arena*. vti & in Plinii  
de Curionis Amphitheatro, *discedentibus tabulis*. In-  
tellegit enim, arte quadam & machinis, antra illa,  
velut hiatu terræ, & aperta celeriter & operta: iterum-  
que arbutis & virgultis tamquam crescentibus indu-  
cta. Quæ ipsa decora fuisse fatendum est, & blan-  
dientia sensibus imitatione quadam naturæ. At illud  
iam improbi acuminis, & nescias an exemplo quo-  
dam à sacrâ Noachi Arcâ. quod Nauim ædificare  
grandem aliquam solent in ipsâ Arenâ, quæ solutilis  
esset, & subito luxata emitteret omne genus ferarum  
pro arbitrio magistri temperantis. Dio id scribit &  
narrat vbertim in Nerone: vult etiam exemplū ob-  
latum scelestæ illius nauis quâ matrē necaret, ab hac  
Amphitheatrali. Verba eius commemini: *ἐν τῇ ναυί*

Calpurnij  
emendatio.

Nauis ad  
vsum Ca-  
uæ.

Neronis  
parriciū,  
quo exēplo  
captam.

ἐκ τῆ περιφανείας οὐκ ἔχον, καὶ κρύφα διὰ φαρμάκων ἐκ εἰχλὸν αὐτὴν ἀνελεῖν, ναῦν ἰδόντες ἐν τῇ ἀμφιθεάτρῳ διαλυομένην τε αὐτὴν ἐφ' αὐτῆς, καὶ πῶς θηρία ἀφίσταν, καὶ σιωπῶσιν αὐτὴν πάλιν, ὥστε καὶ ἑρβῶδες, τοιαύτην ἔτερον ἑκάστος ἐναυτηγήσαντο. id est:

Et quoniam eam eadem palam non audebant, nec venenis clam patrare facile id possent: navim quampiam in Amphitheatro cōspicientes ita factam ut sponte solueretur, & bel-  
luis quibusdam emissis, rursus compingeretur & rediret in priorem statum, visum iis huic similem edificare. Nec mi-  
nus clarè in Seuero: τῷ δὲ δεξιμένῳ ἀπάσης τῇ ἐν τῇ θεάτρῳ  
ἐς πλοῖα χῆμα κατασκευασθείσης, ὡς τεξακόσια θηρία καὶ δεξα-  
σαι καὶ ἀρεῖναι ἀδρόως, ἔπειτα ἐξαίφνης διαλυθείσης ἀνέδορον  
ἀρῶν, λέωνας, πάνθηρες, λέοντες, σκῆντοι, ὄναγροι, βίαιωνες, ὡς  
ἑξακόσια τὰ πάντα καὶ θηρία καὶ βοτὰ ὅμῃ καὶ διαδύοντα ἐφ' ἑ-  
ναὶ ἐσφαλῶν. id est: Receptaculum autem omnium fe-  
rarum in Amphitheatro exstructum erat instar navis: qua  
capere simul & emittere posset ad feras quadringentas. Eā  
autem de subito occultè soluta, exsuebant vrsi, lea, panthe-  
ræ, leones, struthiones, onagri, biffontes. Nec naues so-  
lum eiusmodi induxere in Theatra, sed, quod magis  
admirare, quodammodo mare ipsum. Reperti enim  
qui hoc omne rotundum, per occultos quosdam du-  
ctus & meatus, subito aquâ replerent: & pro terre-  
stribus feris, monstra maris ostenderent, & classes, &  
naualem pugnam. Ei aquarum inductioni, fortasse  
nō aberret, qui subterraneos illos canales attribuat,  
de quibus suprâ. Carini Principis ludis id factum,  
visumque à se Calpurnius memorat:

Nec solum nobis siluestria cernere monstra

Contigit, equoreos ego cum certantibus vrsis

Spectavi

Mare siue  
aque in Am-  
phitheatris.

Natantia in  
iis marina  
monstra.



*Spectavi vitulos, & \* equorum nomine dignum*

*Sed deforme pecus.*

\* Hippopar-  
mos intelle-  
git.

Et diu ante illum Nero id vsurparat, Dione sic nar-  
rante: *Aliquando, inquit, belluis interfectis & Venatione*  
*exhibita, subito aquam in Amphitheatrum\* induxit, &*  
*nauale certamen ostendit. rursumque eâ eductâ, Gladiato-*  
*res in loco præbuit. denique inductâ iterum; magni sumptus*  
*publicum epulum. Nec aliter Domitianus, qui vt Sue-*  
*tonius ait, prælium equestre ac pedestre commisit: & in*  
*Amphitheatro, nauale quoque.*

\* De ingeniis  
istorum ho-  
minum Se-  
neca Ep. xci.  
Qui Euri-  
pos subito  
aquarû im-  
petu implêt,  
aut siccant.

## CAPVT XI.

*De muro qui Arenam cingit. de Podio quod super eum. eius*  
*forma. Dignissimum eum locum ad spectandum, Sena-*  
*tui adtributum, imò magistratibus. Aptum ad curules*  
*sellas. Principis ibi Suggestus, Tribunal pratoris: &*  
*Vestalium sedes.*

**S**ED nōne extra limitem eo, quod dicitur, extra-  
que oleas? Nam cūm propositum mihi saltē na-  
tiuam genuinamque Amphitheatri faciem ostende-  
re, addo etiam ecce colorum fucos & pigmēta. & ve-  
reor, Lipsi, vt cum fastidio tuo. Meōne? inquam. Imò  
merum mel & nectar, Florenti, bibo in hoc sermo-  
ne. quem tu magis magisque sitienti mihi libera-  
liter infunde, &, vt ille ait, \* *πλέον μέζω.* Florentius  
renidens, E genere Parthorum tu quidem es, inquit:  
de quibus increbuit, Quò plus biberint, plus sitire.  
Sed educam te è siticulosâ hac arenâ, & ad Podium  
transibo quod adsidemus. Nam post Arenam mu-  
rus ecce iste occurrit, qui Podium sustinet, quique

\* Pingui lar-  
gâque men-  
surâ. Theo-  
critus.

Quid Po-  
dium.

claudit & ambit infimum hoc solum. Podium enim appello, proiectionem hanc quæ in summo muro, quæ paullum prouehitur & propendet instar pedis. Vnde & nomen. Mænianorum ea quædam species est: facta in theatris, templis, ædibus, ad circumeundum, innitendum, spectandum. Mediolani inscriptio vetus est: DOMITIANVS. PODIVM. CVM. LORICA. ET. ADITVS. VIVVS. FECIT. Salerni, alia:

T. TETTIENVS. FELIX. AVGVSTALIS

\* HS. L. M. N. LEGAVIT

AD EXORNANDAM. AEDEM. POMONIS  
EX. QVA. SVMMA. FACTVM. EST. FA-  
STIGIVM.

INAVRATVM. PODIVM. PAVIMENTA.

MARMOREA.

Et de his ipsis theatralibus, alia: THEATRVM.  
STRAVIT. PAVIMENTO. PODIO. \* CIR-

\* Bene Cir-  
cumscripsit:  
quia in or-  
bem circui-  
bat & in  
ambitum.

CVMSCRIPSIT. Itaque vt clarè capias, non aliud Podium hoc nostrum, quàm muri par proiectionis & prominentior ante inum spectaculorum gradum: cui columnæ inpositæ ad ornatum, siue (cùm libêret) ad innixum. Vitruuius describit non obscure, magnitudine etiam expressâ, si attendis, libro v. cap. v i i. vbi de Theatris: *Podij*, inquit, *altitudo, ab libra- mēto pulpiti cum coronâ & Lysi, duodecima Orchestræ dia- metri. Supra Podium, columnæ cum capitulis & spiris, altæ quartâ parte eiusdem diametri.* Cuius mens, vt, si Orchestra tota, in quâ Senatores, (pone eam esse graduum quattuor aut quinque) alta pedes x i i: tum ipsum

Magnitudo  
& ornatus  
Podij.

Vitruuius  
explicatus.



ipsum Podium vnus sit; columnæ eius, trium. Et addo, victoriolas etiam reponi solere in Podiis istis. Spartianus suadet in Seuero, vbi de Circi ludis: *Victoria*, inquit, *vento iccta de Podio stans decedit*. Et Dio Cassius agnoscit in Theatri scanis, libro L. cū refert inter prodigia, ventum tam grandem fuisse, *ὅς ἐκ τοῦ νίκης ἀγάλματος ἀπὸ τοῦ θεάτρου σκηνῆς πρὸς αὐτὸν*: id est, *vt & Victoria signum de scanâ Theatri deciderit*. Ad hoc Podium spectare soliti primi è Senatu. Nam cū Orchestra plurium graduum esset, dignissimus habitus ille imus qui Podio proximus & Arenæ. quippe ex quo facillima spectatio. Iuuenalis:

Primi Senatorum ad Podium.

—generosior & Marcellis

*Et Catulis, Paulique minoribus, & Fabiis, &*

*Omnibus ad Podium spectantibus.*

Suetonius Aug. cap. XLIII. *Factum decretum patrum, vt quoties quid vsquam publicè spectandum proponeretur, primus subselliorum ordo Senatoribus vacaret.*

Primus, siue Imus. Ac nescio an inter ipsum Podium & Gradus spatij aliquid vacuum fuit latioris, in quo spectare soliti honorati. idque propriè, Ad podium spectare. Suadeor, quòd sellis curulibus spectasse quosdam reperio. vt Suetonius narrat de Augusto:

Spatij aliquid inter Podium & Gradus.

Sellis curulibus spectabant.

*Commissione ludorum quibus Theatrum Marcelli dedicabat, euēnit vt laxatis sellæ curulis compagibus caderet supinus.*

Item, quòd sellas easdem honoris causâ positas absentibus, siue etiam mortuis. At sellæ ex non est vt commodè positæ in Gradibus ipsis fuerint, commodissimè in hoc plano. Credamque Consules, Prætores, aliosq. quibus id ius, in curulibus suis ad Po-

\* Docui abh-  
dè ad 11. lib.  
Annal. Tac.

Apparitores  
apud magi-  
stratus suos.

Suggestus  
in Podio.

Quis repre-  
hit.

Cubicali  
formâ, & no-  
mine.

Suetonius  
explicatus,  
aliter atque  
vulgas.

Traianus  
Suggestum  
reclauit.

dium sic sedisse, cum lictoribus, viatoribus, & magistratus sui pompâ. Tacitus hoc postremum ingerit libro xvi. Annal. cum præmia describit accusatorum: *Liberto & accusatori præmium opera, locus in Theatro inter viatores Tribunicios datur.* ex quo necessum, fuisse eos bono honestoque loco, & iuxta Tribunos ipsos. Nec immerito. ut quisque magistratibus suis appareret. Nec magistratus solum ad hoc Podiû designatorego colloco, sed & Principem ipsum. cui tamen eminētior quidam Suggestus exstructus, & velut sua domus. Origo rei à Iulio Cæsare. quē Suetonius, inter alios honores quos nimios recepit, admisisse ait *statuam inter reges*, SUGGESTVM in Orchestrâ. Secuti que Principes id tenuere, ut clarum ex eiusdem Suetonij Ner. cap. xii. *Icarus*, ait, *primo statim conatu iuxta CVBICVLVM eius decidit, ipsumque cruore respersit.* Nam perrarò præsidere: ceterum ac cubans primò paruis foraminibus, deinde toto podio adaperto Spectare consueuerat. Ex quo facile colligis Suggestum illum tectum & inædificatum fuisse, ad modici cubi- culi formam. cui proprium etiam suum Podium (de eo enim, non de grandi illo Amphitheatrali necessa- riò Tranquillum capis) quod ostiis quibusdam sine fenestris, Arenam versus aperiretur. Plinius hunc morem satis illustrat, laudatione ad Traianû: quem commendat, quia ciuilitet sustulit. *Digna*, inquit, *vi- ctore populo sedes* (de Circo sermo est) *visenda cum cete- ra specie, tum quòd equatus plebis ac Principis locus: Si- quidem per omne spatium una facies: nec magis proprius spectandi Cæsari SUGGESTVS, quàm propria que spe-*

Etet.



*Est. Licebit ergo civibus tuis invicem contueri, dabitur non CUBICULUM principis, sed ipsum cernere, in publico, in populo sedentem. Sed præter hunc Suggestum, ad Podium etiam Tribunal Editoris. Cùm enim aliis* Tribunal in Podio.  
*honoribus, ut lictoribus & veste prætextâ, insignes voluerint eos esse qui ludos exhiberent, tum etiam altiori hac sede, in quâ præsiderent. Suspicio ex Suetonij Augusto: qui virginibus Vestalibus, inquit, locum in Theatro separatim, & contra Prætoris TRIBUNAL dedit. Nam quòd Prætorem nominat, eò est, quòd plerumque ludos ij exhibebant. At quin aliis etiam Editoribus is honos & is locus, non ambigo. Ad hoc Tribunal refero, quòd Vitruvius in omni pusillo & magno Theatro fieri vult itinera, ascensus, pulpita, TRIBUNALIA. lib. v. cap. vii. Quod verò ad Podium ea sedes, cùm ratio euincit, tum Suetonius qui ex aduersum collocat Vestales. Ex autem ad Po-* Vestales ibidem.  
*dium. Prudentius:*

*An quoniam Podij meliore in parte sedentes  
 Spectant, eratam faciem quàm crebra tridente  
 Impactò quatiant hastilia.*

## CAPVT XII.

*Quod tutamen infimo illo Podio fuerit à feris. Retia solere prætendi, benè nexa, benè firma. Versatilia item quedam ligna: Cancelli ferreos & Euripos. Sudatum in Calpurnij versibus.*

**E**T de Podio quidem hæcenus. Transeo. Imò nane, inquâ ego, mane. Magnus mihi hic metus. Circumspectit Florentius, velut quærens. Sed ego  
 E 3 cum

Murus Podii olim factus altus.

Retia ante Podium; quorum raritas scilicet non impendebat aspectum.

Retia illa perluxum inaurata.

Ligna rotatoria.

cum risu, Non pro me, ne erres, inquam: sed pro consulibus & hoc omni Senatu Romano. quos tu quidem in Podio collocas, id est, in ipso ostio orci. Quomodo enim hinc tuti à feris? quis leo, quæ pàthera illos non inuadat, tantillo ab Arenâ interuallo? Iam si elephas aliquis. heu! Risit hinc largiter Florentius: &, ô te hominem albo epate! inquit. profectò mater tua numquam flebit. Quid tamen hinc periculi? Murus iste quem vides, quique Arenam diuidit, scito altiore fuisse nō paullò quàm pro aspectu. Ipse corruit, & subsedit, & rudera aream alleuarunt. Non minus certè olim altitudinis habuit, cum hoc Podio, duodenos quindenosue pedes. Quæ fera hunc transfiliat? Et tamen contra inopinatos quoque casus, scito à catis illis prouidè prouisum. Nam primùm retia valida, nodosa, in orbem vndique Podium hoc cingebant. Plinius ea intellegit libro x x x v i i. de Neronis quodam munere: *Tanta, inquit, copia succini inuicta, vt RETIA ARCENDIS FERIS PODIUM PROTEGENTIA succino nodarentur.* Et Calpurnius, qui retia illa in Carini Venatione format & torquet ex auro:

— auro quoque torta resurgent

*Retia, quæ totis in Arenam dentibus exstant.*

Nec retia solum, sed versatiles quidam trunci adpositi muro & huic Podio, cōtra scansionem omnem ferarum & insultum. Calpurnius idem allucet, sed faciem parum claram:

— nec non vbi finis Arenæ

*Proxima marmoreo peragit spectacula muro,*

*Sternitur*



*Sternitur adiunctis ebur (admirabile) truncis.*

*\*Et coit in rutilum, tereti quâ lubricus axem*

*Impositos subitâ vertigine falleret Ungues*

*Excuteretque feras.*

\* Fortasse  
leg. Et coit  
in rotulam  
teretem: quô  
lubricus

axis.  
Vitiosa scri-  
ptura, cui æ-  
grè medcor.

Versus enim dubiæ & intricatæ scriptionis. Legerim,  
*Et coit in rotulam*, siue, *rotulam*. vt velit truncos eos  
eburatos vtriusque in rotulam coisse, atque ita insi-  
lientis feræ impetum fregisse, & vertendo excussisse.  
Nescio etiam an, *in ruplum*. Nam Ruplus in Glossis,  
*σεγπυς, γαλαίπας, γὰ ἀπορρήνων*, cardo & vertebra ca-  
ueæ. Sed mentem facilius versuum horum adfirma-  
rim, quàm verba. Vult omnino transuersa quæ-  
dam ligna versatilia obiecta muro, quæ feras falle-  
rent dum enituntur. Ego hîc iterum, Anceps hoc  
præsidium, Florenti: & quomodò me firment versus  
tam infirmi? Sanè (rideas licet) ego etiam nunc in  
summâ causâ spectare eligam, nec inuideam Sena-  
tui Orchestram. Contra elephantes enim & imma-  
nes illas feras, quid? Parata arma, inquit Florentius.  
Nam aut clathris ferreis Arenam totam circumda-  
bant: aut, quod certius, Euripis. Valdè enim id genus  
metuens aquæ. Plinius libro V I I I. *Vniuersi* (de ele-  
phantis loquitur) *eruptionem tentauère, non sine vexatio-  
ne populi, circumdati clathris ferreis. Quâ de causâ C. Cæ-  
sar Dictator postea simile spectaculum editurus, \* Euripis*  
*arenam circumdedit. quos Nero Cæsar sustulit, equiti loca*  
*addens. Et iamne securus? Haud planè etiam, in-*  
*quam ego: sed perge.*

Cōtra gran-  
diores bel-  
luas quid  
præsidij.

\* Vido cō-  
Sueton. in  
Cæs. cap.  
xxxix.

## CAPVT XIII.

*Gradus, & eorum forma. Diuisi accuratè in suas partes. Puluilli in iis. Præcinctiões. Aditus. Viæ. Cunei. Cathedræ. Porticus. Vitruuius, Tertullianus, Martialis, Calpurnius, varij scriptores variè emendati aut illustrati.*

Clinosi Gradus.

**F**LORENTIVS: Gradum igitur iam proin-  
ueo ad Gradus, & ad hos Subselliorū, vt sic di-  
cam, colles. Non malè, colles. quia reuerà per de-  
cliue iacentium ea forma. Itaque Calpurnius aptè  
descripsit:

Distinctio  
Graduum.

*Immensosque gradus, & cliuos lenè iacentes.*  
Malè enim aliquot libri, *duos*. nec quidquam hîc sa-  
nè de puluinari. Sed vt totam hanc sedendi spectan-  
diq̃ue rationem subtili quadam Mineruâ intellegas,  
non crassâ: opus vt hoc omne spatium distinguam  
tibi per partes. Quæ erunt istæ. Gradus: Præcin-  
ctiões: Aditus: Viæ: Cunei: Cathedræ: Porticus.

Quid hic  
Gradus.

Eorum di-  
mensio.

GRADVS appellamus, vti scis, ea ipsa loca in  
quîs sedebant. Sic dicti in Amphitheatris, quia ad  
formam scalarium graduum, alij alios consequuntur.  
Eorum diuensio Vitruuio expressa: *Gradus*, inquit,  
*ubi subsellia componantur, ne minus alti sint palmopede, &*  
*digitis sex. Latitudines eorum, ne plus pedes duo semis, ne*  
*minus pedes duo constituentur.* Palmopede, id est, pe-  
de & palmo: siue palmis quinque. Palmus enim  
quatuor digitos continet: Pes quatuor palmos. Sed  
hæc tamen Vitruuiana altitudo non conuenit gradi-  
bus Amphitheatri Veronensis. qui, Torello dime-  
tiente,



tiente; alti dumtaxat pedem, & duas uncias. id est, pedem & duos digitos semis, & paulū quod exaruit. Sed cur tam lati? parum enim ex symmetriā & bono loci videtur, duos pedes & semis latos eos facere. Quod verum est: sed latitudinem eam exigit, in contextu illo. Graduum, ratio sedendi. Pedes enim eorum qui in superiore gradu spectant, innixi inferiori gradui proximo. qui ne læderent sedentes alios, neue ipsi læderentur, opus habuere aliquā laxitate. Fortasse etiam ad ponē transeundum, si qui surgerent, aut sedentibus iam aliis intrarēt. Gradus autem isti è lapide. Vnde scitum illud Aristippi, Cui bono eruditio? Huic saltem, inquit, ne in Theatro lapis sedeat super lapidem. Quamquā & sæpe è ligno. Serò repertum, ut puluilli insternerentur Senatui: idque primus Caeligula instituit. Dio Cassius: τὰ τε πορὸς καὶ ἄλλα τῆς βελουταῖς, ὅπως μὴ ἐπὶ γυμνῶν ἢ στανίδων καθίζον, ὁρῶντες τότε ὑπετίθη, καὶ πάλιν σφισὶ τὸ Θεσσαλὸν ἔσπον ἐς τὰ θέατρα φορεῖν, ἵνα μὴ ἡλιάσκει τὰ λαμπρῶν, ἐπετέθη. id est: *Puluilli tunc primum Senatoribus, ne nudis asseribus insiderent, subiecti, & pileos Thessalicos in Theatra iis inferre concessum, ne insolatione torquerentur. Ait clarè, Senatui tantum: postea tamen id etiam Equitū concessum, ex Iuuenali:*

Cui latiores  
acti.

E lapide  
fuisse, pluri-  
mum.

Puluilli iis  
impositi.

— exeat, inquit,

Si pudor est, & de PVLVINO surgat EQVESTRI

Cuius res legi non sufficit.

PRÆCINCTIONE sequuntur. quas, si bene

capio, non aliud censeam quàm Graduum interualla

& diuisiones quasdam in orbem. Vitruuius aliquo-

ties nominat: sed, ut in re tunc clarā, describit parum

Quid Præ-  
cinctiones.

\* Cap. III.

lib. v.

\* id est: Cingulum non altius sit, quam latum. est illud: pſū subcingulare Iter de quo mox.

clarè. *Præcinctiōnes*, \* inquit, *ad altitudines Theatrorum pro rata parte faciendæ videntur: neque* \* *altiores quàm quanta Præcinctiōnis līxeris sit latitudo.* Iterum: *Gradationes* *scalarum contra quadratorum angulos dirigantur ad primam Præcinctiōnem.* Videtur autem siue ad Vomitoria & ipsos Aditus; siue in discriminibus Orchestræ, Equestrium, Popularium, Gradus quosdam latiores altioresque struxisse, qui reliquos minores velut præcingerent & complecterentur. Vnde & nomen.

\* Et apparèt clarissimè *Præcinctiōnes in Theatris.*

Balthei.

\* Eaque re Zodiaci Zōna, etiā *Baltheus* à *Malilio* vocatur.

Torellus certè obseruat in illo Veronensi, \* *Gradum esse circa medium qui duos pedes & uncias sex altus: cum reliqui tantum, pedem & uncias duas.* Atque ea profectò *Præcinctio*. cſi Vitruuius & res ipsa, plures suadent vnâ. *Baltheus* id alio nomine vocatur, à pari causâ: quia velut \* *cingulum quoddam latum.* Calpurnius in Amphitheatro Carini: *Baltheus en gemmis, en illita porticus auro.*

Tertullianus De Spectaculis: *Vias enim vocant cardines Baltheorum per ambitum.* Ex quo disce, ad Cingula etiam ista fuisse *Vias*. *Diazomata* item, Græcanicâ voce, commodè adpellat Vitruuius cap. VII. *Gradus, diazomata, pluteos.*

Aditus, quid appellemus.

A D I T V S deinde, qui in ipsâ gradatione portæ quadam siue ostia, per quæ ab exterioribus porticibus venit & descenditur in ipsas sedes. De his Architectus: *Aditus complures & spatiosos oportet dispo- nere, nec coniunctos superiores inferioribus, sed ex omnibus locis perpetuos & directos, sine inuersuris faciendos: uti cum populus dimittitur de Spectaculis, ne comprimatur, sed habeat ex omnibus locis exitus separatos sine impeditione.*

Vomi-



Vomitória appellat Macrobius, voce vulgi: libro vi. Saturnal. cap. iiii. Ad illud Virgilij — *totis Vomit*  
*adibus vndam. Patlarè. Et antiquè. Unde & nunc Vo-*  
*mitoria* (alij libri, *Vomitaria*) in spectaculis dicimus, vnde  
 homines glomeratim ingredientiés in sedilia se fundunt. At-  
 que hæc foramina perspicua in hisipis Gradauna re-  
 liquiis, itemque in illo Veronensi.

Vomitória  
 dicti.

Ad VIAS venio, quæ, auctore Tertulliano, hæc  
 duplices. *Vias enim vocant, cardines Baltheorum per*  
*ambitum, & discrimina Popularium per proclium.* Op-  
 timè eruditus scriptor. Vult enim Vias alias esse, quæ  
 ad cardines siue limites Baltheorum, in circuitu  
 alias, quæ à Vomitoriis illis, in descensu. Itaq. ait, per  
 proclium. Sed cur Popularium tantum meminit?  
 eaque discriminari, & in Cuneos suos tribui, Viis illis  
 secantibus, vult? Adhæresco. Excludere enim aperte  
 Equestria & Otchestram videtur aliter quàm Suet-  
 onius, qui Cuneos in his agnoscit: ergo & Vias. Sed  
 Popularia largè fortasse acceperit scriptor. Afer, pro  
 omni populi confessu. Vias has modò Itinera, mo-  
 dò Scalaria. Virritius appellat, sed Scalaria tamen  
 propriè Vias quæ inter Cuneos ad ascensum aut de-  
 scensum. In his Viis qui locum non habebant, qui-  
 que, vt suo verbo dicam, ex cuneati erant, spectabant  
 stantes. Tertullianus: *Num apud spectacula & in Viâ*  
*statut.* Martialis facit de falso quodam equite, libiv.  
*in. Sedere primo solitus ingradis semper,* *Stupet aluiciliu*  
*in. Tunc cum licebat occupare,* *Mannocis,* *id me moroso*

Via inter  
 Gradus,  
 duum ge-  
 nerum.

\* Has vias,  
 vocat Itine-  
 ra Pracin-  
 tionū Virr.  
 cap. iiii.  
 De Tertul-  
 liani loco  
 obscuro.

\* Vide iam  
 nunc in Cu-  
 neis.

Discrimen  
 aliquod ite-  
 ter Itinera  
 & Scalaria.

In Viis, ex-  
 clusi specta-  
 bant.

*Bis excitatus terque, transtulit castra,*  
*Et inter ipsas panè tertius sellas*

*Post Caiumque Luciumque consedit.*

*Silinc cucullo prospicit caput tectus,*

*Oculoque ludos spectat indecens vno.*

*Et hinc miser deiectus in VIAM transit,*

*Subsellioque semisultus extremo,*

*Et male receptus altero genu, iacet*

*Equiti sedere, Lectioque se STARE.*

Martiali lux  
data.

Cuius epigrammatis sententia ista. Manneium solitum ante Domitiani edictum sedere inter equites, & quidem in Equestrium primo gradu, qui ad Orchestram. Sed agnitum & pulsum aliquoties à designatore Lectio, transisse eadem ad summam caueam, & spectasse inter plebem & pullatos. tantum non inter cathedras muliebres. Sed illinc quoque deiectum, spectasse in Viâ semi-stantem. Atq. huius sententiæ etiam illud Taciti est, lib. XVI. de militibus, qui à Nerone dispositi *Per cuneos STABANT*, nequod temporis momentum impari clamore, aut silentio segni præteriret. Nam stetisse eos sentio in his vtrisque Viis.

\*Malo, se-  
gne.


Dimensio  
Viarum.

Latitudo Itineris ad Baltheum, mihi ignota: censeo non minus, trium quatuorue pedum. Si enim vulgarium Graduum, Vitruvio definiente; duo pedes & semis: quidni duplum istis? At Scalarium siue Ascensuum altitudo, in Veronensi apparet semipedis & uncia; latitudo, pedum binum. Humiliores ergo aliis sedentariis Gradibus, parte dimidia. Addo, Canaliculas quasdam & derivationes aquarum ad oram extremam Graduum fuisse, quæ Scalaria incipiebant. Apparent in fragmentis lapidum.

Canaliculae  
in gradibus.

& usum





& vsum, credo, habuerunt siue aquæ cælestis deriuandæ, siue potius humanæ. Nam cùm dies totos in spectaculis persederent, quin vrina reddenda fuerit, non ambigimus: eiq̃ue vsui tribuimus hos incisos canales. Nam ad pluuiam, scire te volo pendulos leuiter & procliues omnes gradus fuisse.

At C V N E I iam (Alexis *νεπίδαξ* dixit) inter has Vias medij. Quidquid enim sedilium diuiditur Præcinctionum Itineribus, & secatur lateralibus Viis, in hoc nomen id venit. Nomen datum à formâ. quia reipsâ Scalarum directio talis, vt ab imo ordiens magis diffunderetur in altum: redderetq̃ue cunei formam. Hoc modo, vide. Digiti enim potius res est,

Cunei spectaculorum.

Directio  
Scalarium  
alterna.

\* Quod qui-  
dem clarissi-  
mè in Vero-  
nensi appa-  
ret.

quàm linguæ: Sed hoc mihi nota, Vias istas Scalares non ab imo ad summū rectā & sine intercissione illæ. Contrā est. dirigebantur saltem ab imā Orchestrā ad primam Præcinctionem. Ibi desinebant. & alternis aliæ incipiebant, cum Cuneorum nouā variatione. Ita si triplex Præcinctio (& id ex Vitruuio suspicamur:) triplex etiam ordo & discrimen Cuneorum. Nec absurdè fortasse senserim, si Cuneos & Præcinctiones finiam ac discriminem limitibus Orchestræ, Equestrium, Popularium. Architectus noster Augustalis, meo animo, describit non obscurè: *Cunei, inquit, spectaculorum in Theatro ita diuidantur, vti anguli trigonorum, qui currunt circa curuaturam circinationis, dirigant ascensus scalasque inter Cuneos, ad primam Præcinctionem. Suprà autem alternis fimeribus superiores Cunei medijs dirigantur. Et adde quæ scribit cap. viii. Gradationes scalarum inter Cuneos & sedes dirigantur ad primam Præcinctionem. ab eā Præcinctione inter eas iterum medijs dirigantur.* Et sanè hæc præscriptio in parte apparet in Theatro Veronensi ad Arthesim: quod deformauit (cuius præscriptio) Torellus. Atque hi Cunei Theatrorum, qui in scriptoribus crebri. Aulonalis:

Exempla &  
loca de Cu-  
neis.

— Cuneis an habent spectacula totis

Quod securus ames?

Martialis: — Era sed à Cuneis vltiora petis.

Inde Theatrum Cuneatum Virgilio aut Seneco:

— Cuneati lata Theatri

Seditio.

Et Ausonio: Cuneata creuit hac Theatri immanitas. Inde Excuneandi verbum, id est eliciendi & velut extra

Cuneum



Cuneum excludendi, usurpatum Apuleio. **Hi Cunei,** certi certis assignati. Suetonius in Aug. cap. XLIII.

Cunei certi, certis attributi.

*Militē secrevit à populo. \* Maritis è plebe proprios ordines* (id interpretor, vel ordines aliquot subselliorum, vel etiam Cuneos) assignavit. **Prætextatis CUNEVM**

\* Martialis. *allxst lib. v.* Sedere in equitum liceat an tibi scannis, Vido Dindyme. haud licet maritorum.

*suum, & proximum, pedagogis.* Ad discrimina hæc Cuneorum quicq. in iis sedebant, alluisse mihi Tertulianus videtur De Resurrectione carnis: *Ignitur quatum*

Obscura Tertulliani dictio explicata.

*ad hæreticos, demonstravimus quo cuneo decurrendum sit à nobis.* Cuneos autem etiam Equitum & Senatorum fuisse, clarè docet Suetonius Domit. cap. IIII.

Cunei etiam Senatorum & Equitum.

*Die proximo omne genus rerum missilia sparsit. & quia maior pars intra Populæ deciderat, quinquagenas tesseras in singulos Cuneos Equestris ac Senatorij ordinis pronūciavit.*

Et Virgilius, plebis item ac patrum agnoscit:

Et Virgilius, plebis item ac patrum agnoscit:

— hunc plausus hiantem

Per Cuneos (geminatus enim) plebisque patrumque Corripuit.

Ad CATHEDRAM iam perueni. quam solus Tertullianus mihi in Amphitheatris suggerit: **Cathedra,** inquit, vocatur, ipse in amfractu ad confesum situs. Et intellegitne amfractum in singulis gradibus? an potius superum locum, ubi cliui subselliorum desinunt, & murus incipit qui porticum facit, cliuosque illos velut frangit? Nam plani aliquid spatij ibi fuisse videatur, ynde Cathedris positæ spectarent. Possis Calpurnium ad hanc sententiam flectere:

Quid Cathedra incertè dicta.

*Venimus ad sedes, ubi pulla sordida veste*

*Inter femineas spectabat turba Cathedras.*

Nam feminae & pullati non nisi ex superiore loco spectabant,

Cathedrae femineae.

*Etabant*, ex Augusti decreto quod Suetonius memorat cap. XLIII. Sellas etiam Martialis nominat, nescio an pro cathedris, an pro subselliis graduum ipsorum. Nā tenebræ mihi adhuc in isto eius versu:

Retractatus  
Martialis  
versus.

*Et inter ipsas pænè tertius sellas*

*Post Caiumque Luciumque consedit.*

Rettuli quidem suprâ ad fæmineas sellas: sed repugnante, vt vereor, poëtâ, qui non vult Equestria eum egressum, sed in aliquâ semper eorum lineâ hæsisse.

An sellæ etiam virorum? easq. in gradibus ipsis collocabant? Ita prona quidem facilisque sententia sit, vt dicat misellum hunc irrepsisse inter Caij Luciiq. sellas, & pænè tertium sedisse cum duobus. sed ex illis quoque latebris protractum. Et sanè de sellis al-

De sellis delatatio notata.

latis & illatis, quidam mihi suadent. Suetonius Nerone, cap. xxvi. *Interdum quoque clam gestatoriâ sellâ delatus in Theatrum, seditionibus Pantomimorū ex parte Proscenij superiore signifer simul ac spectator aderat.* Iuuenalis, in suo illo non inuidendo voto:

— *Et duo fortes*

*De grege Mæforum, qui me ceruice locatâ*

*Securum iubeant clamoso insistere Circo.*

Vitruuij etiam ambigua verba: *Gradus, vbi subsellia componantur.* Tamen magis est vt aliter fuerit, ex iis quæ suprâ dixi. Et Suetonij Iuuenalisque loci, euincunt non nisi de supero loco, quod fatemur vtrò. An

Tentatus  
Martialis,  
sed vereor vt  
manu pa-  
rum fausta.

ergo in Martiali scribendum, *tertias sellas?* capimusque pulsum eum à primo subsellio ad tertium? Sed quam sententiam aut acumen tum habebit, vò pænè? Iterum dico. parū mihi in hoc versu lucet aut liquet.

At de



At de PORTICIBVS superioribus, è quibz tenuiores spectabant, satis certum. Calpurnius tangit.

Porticus quid.

—en illa porticus auro—

*Certatim radiat.*

Hanc supremam partem Dio ἀΐδα θεῶν dixit, in Nerone: καὶ ἐλεφας ἀνέχον, inquit, ἐς τὸν ἀνωτάτω τῆ θεῶν ἀΐδα. id est: *Elephas sublatuſ est in ſummum fornicem ſive arcum Theatri.* Nec malè. quia porticus illæ, vt videtur, arcuato opere tectæ. Certè tectæ. Vitruuius: *Tectum porticus,* inquit, *quod futurum eſt in ſummâ gradatione.* Ideoque non vanè ſuſpicer à Tertulliano, *Cameras, vocatas, De Spectac.* *Deus etiam extracameras, & gradus, & apulias oculos habet.* Vbi de Apuliis, digitum tollo: & fateor me nō poſſe hiſcere probum de iis aut probabile verbum.

Hic inferenda i l. forma.

Eaſdem videricum  
Cameris.  
\* Quasi apulias, quidam  
explicant, aulidō & Thal-  
mudicos Apulium, vocare  
Cubiculum.

## CAPVT XIIII.

*De ordine & locis in ſedēdo. Quando diſcrimen id factum.*

*De Orchestrâ, de Equeſtribus: & Tribunos quosdam  
nouos fuiſſe inter Equites. De Popularibus. de que loco  
Pullatorum & Feminarum.*

**L**OCVM & eius membra ſatis deſcripſi. ad cuius tamen lucem nonnihil etiam faciet, ſi ordinem Ordinum in conſeſſu noris & diſcrimen. Populi enim Romani, vt ſcis, priſca diuiſio, in Senatū, Equitem, Plebem. His diſcreta in Spectaculis ſua loca, & Gradus. In Theatris quidem iam olim lege Roſciâ: at non ita diu in Circo & Amphitheatris. Promiſcue enim ibi ſpectabāt & quouis loco liberè, quam-

Populi Ro-  
mani tres  
ordines.

Diu confusio in Amphitheatrali spectaculo.

diu libertas Romæ. Plutarchus indicat in Sullâ: ἢ μὲν, inquit, θεῶν μονομαχίαν. ἔπειθ' ἐπὶ τῶν διασκευμένων, ἀλλ' ἐν τῇ διασκευῇ συμμυγῆς ἀνδράσι καὶ γυναιξίν ὄντες, ἔτυχε πλείον τῇ Σύλλᾳ καθεζομένη γυνὴ τὴν ὄψιν ἐμωρεπῆς καὶ γένος λαμπροῦ. i. *Spectaculum quidem gladiatorum erat. Locis autem ad spectandum nondum tunc discretis, sed mixtim sedentibus viris feminisque: accidit, ut propter Sullam mulier quæpiam sederet, facie & genere honesto. At id mutatum sub Principibus: & discrimina dignitatum facta, bono iure. Nec subtiliter hîc tempora exsequar.*

\* Feci enim accuratè in Comment. ad lib. xiv. Taciti. Orchestræ vox, Græco ortu.

\* quid opus? Hoc scito, Senatui in Amphitheatris quoque suam sedem fuisse, suam Equiti, suam Plebi. illam, Orchestram dixere: alteram, Equestria: tertiam, Popularia. De Orchestrâ vbique obuium. quæ vox nata in scænâ & pulpito, transit communi abusu quodam ad alios etiam ludos. Sedes illi, ut Vitruvius ait, inter gradus imos. Is enim locus quia Scænæ & Arenæ proximus, ideoq. oculis auribusque expositus, optimus habitus spectationi, siue auditioni. Cicero de Senectute: *Vt Turpione Ambivio magis delectatur, qui in primâ caueâ spectat quàm qui in ultimâ.* Horatius:

*Ut propius spectes lachrymosa poemata Puppi.*

Magnitudo eius, ut conicio, in gradibus quattuor aut quinque. aut fortasse pluribus, ut etiam Sacerdotibus ibi locum demus, & sociarum gentium legatis. Equestria autem, Senecæ nominata v i i. De Benef. *Equestria omnium equitum Romanorum sunt. in illis tamen, locus meus fit proprius, quem occupavi.* Item Suetonio, in Calig. *Decimas maturius dabat, ut Equestria ab infimo quoque occuparentur.* Et allusit argutatrix illa

apud

Vbi fuerit.

In imis gradibus, qui optimi spectationi.

Equestria.



apud Petronium: Ego etiam si ancilla sum, nunquam tamen nisi in equestribus sedeo. Ea Equestris lege veteri Quattuordecim gradus tenuere. itaque passim legas sedere in Quattuordecim: & pro ipsa Equestri dignitate in Seneca: *At me hercule multis Quattuordecim Gradus sunt clausi: non omnes Curia admittit.* Lege dico veteri. nam ut idem numerus sub Principibus fuerit, aucto immaniter numero equitum, non hercule inducor ad credendum. Et impellit me in alia omnia. Calpurnius, qui ostendit totam mediam superioremque caueam occupatam ab equite, ludis illis celebribus Carini:

Quam ampia fuerint.

Aucta videri sub Principibus.

*Venimus ad sedes ubi pulla sordida veste*

*Inter famineas spectabat turba cathedras.*

*Nam quaecumque patent sub aperto libera calo,*

*Ait eques; aut nunc loca compleuere Tribuni.*

Ostendit se in porticu summam spectasse inter feminas, quoniam Gradus omnes qui sub dio, occupati ab Equite aut Tribunis. Nam hos quoque addit. nec intellegit illos notos Plebeios (caue erres:) sed Militares imprimis: fortasse & alios, qui vario agnomine sub Principibus nati. De quo copiose dicendi non hic locus. Ouidius apte ad hanc rem in Fastis lib. III. ubi quemdam militiam functum in Equestribus sibi adfidentem loqui facit:

Tribuni inter Equites spectabant.

*Dux mihi Caesar erat, sub quo meruisse Tribunus*

*Glorior, officio praesuit ille meo.*

*Hanc ego militiam sedem, tu pace parasti:*

*Inter bis quinos usus honore viros.*

Et eodem illo Tribunicio iure spectasse se in Equite Martialis ait:

\* Dico proprio libro, De magistratibus.

— *Vidit me Roma Tribunum,*

*Et sedeo quâ te suscitât Oceanus.*

Martialis  
quomodo  
eques.

Nam quòd de are magno huius poëtæ suspicere, aut censu fuisse Equitem: errabis. tenue semper & exsuccum hoc genus. Ipse id renuit, loco alio, & paupertatem clarè præfert:

*Sum, fateor, semperque fui, Callistrâte, pauper,*

*Sed non obscurus nec male notus eques.*

Popularia.

Inter Equitès igitur, quia adnexum hoc Tribunicia illi dignitati. Et quidem hi Tribuni in Gradibus primis spectabât, ex Horatiano vetere interprete: qui ad locum illum Epodôn, in Mænam: *Sedilibusque magnus in primis Eques:* commodè notat, Otho, inquit, *quattuordecim Gradus in Theatro equiti separarat, ex quibus primi Tribunicis potestatibus vacarent.* Popularia sunt loco tertio. & nomen eâ notione reperies in Suetonij Claudio, cap. x x v. *Germanorum legatis in Orchestrâ sedere permisit, simplicitate & fiducia eorum motus, quòd in Popularia deducti, cum animaduertissent Parthos & Armenios in Senatu sedentes, ad eadem loca spontè*

Vide Epistolic. nostras, lib. i i i. ep. xviii.

*transierant.* Et in Domitiano, verbis quæ rettuli supra. Vlpianus etiam *Milites stationarios* disponi à Præfecto urbis vult, *ad tuendam Popularem quietem.* Callistratus, in spectaculis *Iuvenes quosdam accommodare se turbulentibus adclamationibus Popularem* scribit. Et scio vtrumque intellegere hunc plebis confessum. Plebis. nam etsi populi voce vñuntur, quæ communis tribus ordinibus: tamen hîc pro vñâ eius & vberiori parte. Vti & apud Iuvenalem:

Populi vox  
pro solâ plebe interdû.

*Equales illic habitus, similemque videbis  
Orchestra & populum*

Intelle.



Intellegit enim, in hac ipsâ Spectaculorum re, plebem. Popularibus autem adtributi reliqui omnes Gradus. id est Cauca media, & Summa. Nam Ina Senatui & Equiti vacabant. Itaque propter granditatem, discrimen aliquod in ipsis popularibus: & pro variâ conditione plebis, varij adfessus. Quosdam, imò plerosque Suetonius expressit Augusto: *Militem secrevit à populo. maritis è plebe proprios ordines adsignauit. pretextatis Cuneum suum. & proximum, padagogis. sanxitque nequis pullatorum mediâ caueâ sederet. Fæminis ne gladiatores quidē, quos\* promiscuè Spectari solenne erat, nisi ex loco superiore Spectare cōcessit. Vbi de Pullatis quod ait, illustrant Calpurnij verius:*

Popularia  
ipsa iterum  
diuisa.

\* Suprà, ex  
Plutarcho.

Pullati ad  
superos rele-  
gati.

*O vtinam nobis non rustica vestis adesset!*

*Vidissem propius mea numina. sed mihi sordes*

*PULLAQVE paupertas & adunco fibula morsu  
Obstiterunt.*

Ostendit enim se rusticum & pullatum spectasse in caueâ summâ, procul à Podio vbi Princeps. Ideò apud Senecam De Tranquillitate, *Verba ad summam Caueam spectantia*, sunt vilia & ad gustum minutæ plebis. At quòd Fæminæ in summo: etiam Propertius tuus ostendit, vbi præcepta æmulantis Cynthia:

Item Fæmi-  
næ.

*Tu neque Pompeiâ spatia bere cultus in umbrâ,*

*Et cum lasciuum sternet arena forum*

*Colla Caue inflektas ad SVMVM obliqua theatrum.*

Propertij a-  
lia distinctio  
& intelle-  
ctus.

Ita legendi & iungendi ij versus. & mens est, Cùm Gladiatores in foro: caue oculos adiicias, tu qui in equite spectas, ad loca summa, vbi mulieres.

## CAPVT. XV.

*Confusa aliquando locorum series: eaque occupata. Es pro Locis. Plautus explicatus, & Suetonius, & Martialis. Dissignatores, eorum munus. Excitare. Tribuni Voluptatum.*

**E**T hi quidem limites, hic ordo. quem tamen migrabat & miscebat sæpe Quiritium turbida plebs. Auidi enim multi ludorum, & exclusionis metuentes, loca de multâ nocte occupabant, & inhærebant vt suis. Lampridius in Eliogabalo: *Serpentes per Marsicæ gentis sacerdotes collegisse fertur: eosque subito ante lucem, vt solet populus ad ludos celebres conuenire, effudisse.* Benè dixi, occupabant. eo enim verbo id vulgò notabant. Martialis:

Occupare  
proprie,  
quid.

*Tunc cum licebat occupare, Manneius.*

Spartianus in Iuliano: *Ad Circense spectaculū itū est: sed occupatis indifferenter omnium subsellis, populus gemit conuicia in Iulianum.* Suetonius Calig. cap. xxvi. *Inquietatus fremitu gratuita in Circo loca de mediâ nocte occupantium, omnes fustibus abegit.* Ait Tranquillus, *gratuita loca.* Ergone aliquid aliàs pendendum? Apparet: & quidem prisco etiam æuo. Certè Plautina Prologus, (etsi non Plauti) id indicat receptum in seruis: *Serui ne obfideant, liberis vt sit locus.*

Loca pretio  
aliquo di-  
tributa.

Plauti ante-  
logio lux.

*Vel as pro capite dent: si id facere non queunt;  
Domum abeant.*

Græci hæc *ὀρθήρια* appellasse videntur: quæ explicat in Callimacho Scholiastæ, τὰ ὑπὲρ τῆ ἰδὲν δῶκα: i. dona, videndi causâ. Nec in seruis hoc tantum, sed receptum etiam



etiã in aliis è plebe opinor, qui Locariis nescio quid pro sedibus pendebant. Ita appellat Martialis, qui loca diffignabant. In Hermetis gladiatoris laudibus:

Et Martiali.

*Hermes suppositicius sibi ipsi:*

*Hermes diuitiæ Locariorum:*

*Hermes cura laborque ludiorum.*

Nã Locarij, meo animo, non aliud hîc quàm Diffignatores. Quos Tertullianus in ludis agnoscit, libello De Spectaculis: *A templis & aris, inter tribus & tibias, duobus inquinatissimis arbitris funerum & sacrorum, Diffignatore & aruspice.* Plautina eadem illa Prologus agnoscit in scenâ:

Locarij, qui homines locant, disponentque.

*Neu diffignator præter os obambulet.*

Quin etiam lictores illis attribuit:

*—neu lictor verbum aut virgæ mutant.*

Diffignatores cum lictoribus.

Qui enim hoc refert ad lictores magistratuum: errat. Nullæ in hac Histricâ prouinciâ eorum partes. Sed vt Diffignatores in funere publico lictores comitabantur, seuerioris imperij causâ & ordinis seruandis: sic in Theatris. De funebri Diffignatore, Horatij illud nosti,

*—dum ficus prima calorque*

*Diffignatorem decorat lictoribus atris.*

Non quia proprij Diffignatorum vlli apparitores (viles enim ipsi olim & fortasse inter libertinos:) sed accipiebant à Domino funeris & Editore ludorum. Ex hoc genere, Lectius ille & Oceanus apud Epigrammatarium: nec magistri illi aut Præfecti ludorum (nugę istæc interpretum) sed meri Diffignatores. Quorum tamen dignitas sub Principibus aucta.

\* In Saturnalibus dixi, lib. 1.

Creuit eorû dignitas.

Vlpi-

Vlpianus benè monet l. iiii. De his qui not. infamiâ: *Designatores*, inquit, quos Græci *βουλῶντες* appellant, artem ludicram non facere Celsus probat: quia ministeriū non artem exerceant. Et sanè locus iste hodie à Principe non pro modico beneficio datur. Horum munus, ordinibus sua loca adnotare, pellere occupatores ab alienis. Facetè saepe meminit acutus & capitalis ille Hispanus, per occasionem edicti Domitiani, quo *licentiam in equite promiscuè spectandi* (quæ contra leges eruperat) *cohibuit*. Et id dicebant theatriali verbo, Excitare aut Suscitare.

Pellebant  
loco non di-  
gnos.

Excitare.

*Bis excitatus terque, transfudit castra.*

Alibi: Et sedeo quâ te suscitât Oceanus.

Suetonius Augusto, cap. xiiii. *Cum spectaculo ludorum gregarium militem in Quattuordecim sedentem excitari per apparitorem iussisset.* De quâ eâdem re Appianus: *ὁ Κασσιός τὸν Σεργίον τῆς ἀνέστησε.* Sed addo etiam labente æuo, præter Designatores, videri fuisse digniore quodam nomine Tribunos: qui electi ad moderandas & temperandas ludicras populi voluptates. ij. dicti, Tribuni Voluptatum. Quorum formula & munus, apud Cassiodorum libro vii. Variar. Epist. x.

Tribuni vo-  
luptatum.

## CAPVT XVI.

*Tubi occulti in Amphitheatris ad Sparsiones. Eas è croco diluto fuisse. Appuleius emendatus. Videri eundem liquorem è statuis emissum. Pluria ad hanc rem exempla.*

**V**IDEOR de loco omnia dixisse: certè ea quæ in aperto. Nam quin lateant etiam nunc quædam, non nego: quæ tamen, lucis tuæ causâ, protraham in cla-



in claram lucem. In eo genere tubi sunt siue fistulae: Fistulae Amphitheatrales. quae in imo & summo Amphitheatro dispositae, ea arte & fine, vt odoratum quemdam humorem eiacularentur leuiter & inspergerent in sedentes. Is humor, è croco plerumque. Seneca epist. xci. *Utrum tandem sapientiore putas, qui inuenit quemadmodum in IMMENSAM ALTITVDINEM CROCVM LATENTIBVS FISTVLIS exprimat?* Idem libro ii. *Quaest. Natural. Numquid dubitas quin SPARSIO illa, quae ex fundamentis MEDIAE ARENAE crescens, in SVMMAM ALTITVDINEM AMPHITHEATRI peruenit, cum intentione aquae fiat?* Apuleius lib. x. *Tunc de summo montis cacumine per quandam latetem fistulam in excelsum prorumpit vino crocus* (ita emendo ex vet. codice nostri Gisellini) *diluta, sparsimq. defluens pascentes circa capellas odorato perpluit imbre.* Benè Apuleius, odorato imbre. quia è fistulis illis, per minuta quaedam foramina stillabat is liquor in modum imbris. Et signatè locutus est Antonius Musa apud Senecam patrem, qui *Sparsiones, odoratos imbres* dixit. Vbi magnus ille Turnebus à se & à vero abit, dum tentat sufficere *odoratos imbres*: & perperam ad missilia refert. Nam rorem illum ingeniosum, Sparsiones vocabant aptè. Glossae prisca: *Sparsio* Κρόνος ὁ πρηνόμενος. Et Martialis Spargendi verbo in eo vsus:

*Hoc rogo non melius, quàm rubro pulpita nimbo*

SPARGERE, & effuso permaduisse croco?

Et nimbum item aliquoties appellat: vt libro i.

*Et Cilices nimbis hinc maduere suis.*

*Spargebant crocum ex imâ Arenâ.*

*Apuleij correctio.*

*Sparsiones proprie.*

*Ea cum imbre aut nimbo comparantur.*

*Lubrica Corycio quamuis sint pulpita nimbo.*

Nec è fistulis solū hic imber, sed scito magis inuen-  
to è statuis expressus, velut humanus quidam sudor.  
Lucanus clarè indicat:

Statuis  
etiam fusa.

*Utque solet pariter TOTIS se effundere SIGNIS*

*Corycij PRESSURA CROCI: sic omnia membra*

*Emisere simul rutilum pro sanguine virus.*

Et ex Theatri Marcelli configuratione conspicuum,  
in mediâ & summâ Præinctione statuas plures fuis-  
se, partim ad ornatum, partim ad hunc vsum. Eas  
autem scire licet concavas fuisse: & per immixtas fi-  
stulas ferreas siue æneas, minutis foraminibus, velut  
per poros & membra expressum hunc humorem.  
non sine præsentī quidem auxilio & manu admini-  
strorum, qui in parte infernâ. Ego interrompens,  
Hæc mihi mira, inquam: sed dic tamen, oro te, cla-  
rius, quomodo crocus exprimi arida potuerit in hūc  
imbrem? Non enim capio. Ille concussio capite & ri-  
dens, Crocūsne mera aut arida? inquit. Mi iuuenis  
erras. Vīno diluta fuit, vt Apuleius tibi præibat, si fi-  
lum attentè sublegisses eius sermonis. Mixtum vi-  
delicet tritumq. florem eum herbæ fuisse cum vino:  
quod colorem deinde adsumeret & odorem. Plinius  
aperit: *Crocum*, inquit, *vino mirè congruit, præcipuè dul-*  
*ci, tritum ad Theatra replenda.* Itaque liquidum cro-  
cum Ouidius dixit:

Quas fistu-  
las grandes  
fuisse suspi-  
camur, &  
alias mino-  
res, quæ ab  
illis diffusa  
per membra.

Quoque  
modo id fic-  
ri potuerit.

Crocus non  
ipsa, sed vi-  
num, eâ tin-  
ctum ad  
spatiationes.

*Nec fuerant liquido pulpita rubra croco.*

Per Gradus  
fuebat.

Et fluxisse eū per Gradus, Spartianus in Hadriano:  
*In honorem Traiani balsama & crocum per Gradus Thea-*  
*tri flue-*



*tri fluere iussit.* Vbi de Balsamo item notabis, etsi minus id crebrum. At de Croco, in omnibus spectaculis protritum: etiam Scenicis. Ideoq. solemnes crocos Propertius agnominavit:

*Etiam balsamum.*

*Pulpita solemnes non oluere crocos.*

Adeò ut etiam supinorum hominū deliciis è Theatris in cōuiuia sparsiones migrarint, & eādē illā arte vnguentis perfusi conuiuæ. Plutarchus de Othone narrat, disposuisse eum in triclinio variis locis ἀργυρῆς καὶ χρυσεῖς σωλῆνας, ὡς περ ὕδαρ τὸ μύρον ἐκχέοντας: *argenteos atque aureos canales, instar aquæ, vnguenta fundentes.* Quod item in Neronis nepotinis sumptibus Tranquillus recensuit, cap. x x x i. *Cenationes eius laqueata tabulis versatilibus eburneis, ut flores. & fistulis, ut vnguenta desuper spargerentur.* Ita enim eum locum legamus: quoniam duo ibi versatilia, & Tabulæ ad flores, & Fistulæ ad vnguenta.

*Sparsiones vnguentorum in conuiuiis, ab hoc inueni-  
to.*

*Suetonius rescriptus.*

## CAPVT XVII.

*Vela in Theatris & Amphitheatris. Quando eorum usus coeperit. Colorata ea fuisse. aliquando serica, aliquando & purpurea, auro distincta. Testimonia plura.*

**T**EGMEN etiam Amphitheatri lateret: quod superduci solet, arcendo æstui ac soli. Tegmen hoc è velis. Primus inuentor rei Q. Catulus: aut certe iam inuentæ, primus Romæ imitator. Valerius Maximus: Religionem ludorum, crescentibus opibus, mox secuta lautitia est. Eius instinctu Q. Catulus Campanam imitatus luxuriam, primus spectantium confessum velorum umbraculis texit. Ammianus de eadē re libro xiiii.

*Vela à Q. Catulo recepta.*

Ex turbâ verò minima sortis & paupertina, in tabernis aliqui pernoctant atris, nonnulli velabris umbraculorum Theatralium latet. quæ Campanam imitatus lasciuiam Catulus in Aedilitate sua suspendit omnium primus. Plinius libro XIX. de velis: Postea in Theatris tantum umbram

\* At Aedilitati eius id tribuit Ammianus.

fecere. quod primus omnium inuenit Q. Catulus, cum Capitolium dedicaret. Eius ritus vestigia in ipsis Amphitheatris, vbi Foramina in summis lapidibus ad funes velorum illigandos. ut in Nemausensi illo clarè: & in summo hoc Romano quædã grandiora, per quæ conicimus traici & in altum dirigi antennas solitas, velorum funes sustinentes. At ipsæ deinde antennæ siue mali, per foramina ea immissæ & demissæ mutulis quibusdam excipiebantur, firmitatis causâ. Ad antennas autem subrectas, funes transversim ligati & extensi, super quos, ducta vela. Testimonia etiam sparsa in veterum scriptis. Propertius:

*Et modò tam pleno fluitantia vela Theatro.*

Suetonius in Caio: Gladiatorio munere, reductis interdum flagrantissimo Sole velis, emitte quemquam vetabat. Marialis:

Ducere vela  
& reducere.

*Quamuis non modico caleant spectacula sole,  
Vela reducantur cum venit Hermogenes.*

Vitruuius præfatione lib. x. In muneribus quæ à magistratibus, Foro gladiatorum Scenisque ludorum, quadam dantur; quibus nec expectatio nec mora conceditur: ut sunt sedes spectaculorum, VELORVMQVE INDUCTIONES. Lampridius in Commodò: Cum illi sæpe pugnanti ut deo populus fauisset, irrisum se credens, populum Romanum, à militibus classiariis qui vela ducebant,

in Am-



*in Amphitheatro interim præcepit. In quo mihi nota milites è classe præpositos huic muneri: scilicet quia maritimi illi, iure periti tractandorum velorum. Pe-  
tunt etiam quidam, apud Plutarchum in Romulo, Velabri etymon ab hoc ritu; acutè sed non verè. ἐπιτο λέγκον, inquit, τὴν εἰς τὸ ἰπποδρόμον φέροντες ἐξ ἀγορᾶς πᾶ-  
ροδον, ἰσίοις καταπέταυνύναι τὰς τὴν δέαν παρέχοντας, ἐντεῦθεν ἀρχομένους: ῥωμαῖσι δὲ τὸ ἰσίων Βῆλον ὀνομάζουσι. id est: Qui-  
dam autem viam illam quæ à foro ad Circum fert ab editori-  
bus ludorum velis solere integri, initio à Velabris factò. Ro-  
mani autem Velum appellāt, quod nos Histium. Non verè  
dico: quia Velabri vocem diu notam & natam ante  
hunc ritum (qui Catuli ævo inductus) satis clarum.  
Colorata variè vela ista fuisse, ad ornatum, Lucretius  
ostendit versibus sanè ad hanc rem luculentis:*

*Et vulgò faciunt id lutea, rufaque vela,  
Et ferrugina. cum magnis intenta Theatris  
Per\* malos vulgata trabesque trementia pendent.  
Namque ibi confessum caueai subter, & omnem  
Scenai speciem, patrum matrumque deorumque  
Insiciunt, coguntque suo fluitare colore.*

Et Carbafina vela Plinius libro XIX. nominat, cum auctore: \* Carbafina deinde Vela primus in Theatro duxisse traditur Lentulus Sпинther Apollinaribus ludis. Mox Cæsar dictator totum forum Romanum intexit, viamque sacram ab domo sua vsque ad cliuvm Capitolinum. quod munere ipso gladiatorio mirabilius visum tradunt. Miratur & stupet in Cæsariano factò Plinius, vel quia tantum spatij inductum: vel quia velis tam pretiosis. Nam Serica ea fuisse Dio tradidit, etsi parum adfirmatè,

Velabri va-  
num ety-  
mon.

Variegata  
ca vela col-  
loribus.

\* Nota, fir-  
mari, quod  
suprà monui  
de Antennis.

\* Intellegit  
candicantia,  
& è tenuissi-  
mo lino. Nā  
Q. Catuli  
etiam è lino,  
sed vulgari  
& rudi.

libro XLIII. καὶ ἵνα μηδ' ἕνα τῶν θεωμένων ὁ ἥλιος λυπήσῃ, πα-  
 ρατάσματα ὑπὲρ αὐτῶν σπεικὰ, αἷς γέ πινες φάσιν, ὑπερεπέτα-  
 σε. id est: *Néue quis spectantium à sole infestaretur; vela*  
*super eos Serica, ut quidam tradunt, extendit.* Nec scio  
 sanè an Plinij libris non exciderit ea Sericorum vox.  
 Iam Nero purpurea etiam vela suspendit, Itellis au-  
 reis variè interstincta. Xiphilinus: τὰ γε μὴν παραπε-  
 τάσματα τὰ διὰ τῆς αἰέρος διαπύκνυντα, ὅπως τὸ ἥλιον ἀπερύκει,  
 αἰλικρὰ ἦν, καὶ ἐν μέσῳ αὐτῶν ἄρμα ἐλαύνων ὁ Νέρων ἐξέσκητο,  
 αἰσέρες δὲ χρυσοῖ πέριξ ἐπέλαμπον. id est: *Vela etiam que*  
*per aërem expansa ad arcendum solem, purpurea erant. in-*  
*que iis medius Nero accubitus, currum agitans (videlicet*  
*instar Phœbi) circum verò vndique aureæ stellæ.*

Dubitatio  
 de integri-  
 te Pliniani  
 loci.  
 Purpurea  
 vela à Nero-  
 ne.

## CAPVT XVIIII.

*Eadem Vela à Iuuenali Velaria dicta. Quid Velarij Au-*  
*gustei. Umbelle usum & causæ fuisse, velis non ex-*  
*pasis. Martialis & Vopiscus explicati. Umbellati clauii.*

Velaria.

**H**ÆC ipsa Vela, nisi fallor, Iuuenalis Velaria  
 dixit illo versu,

— pugnas Cilicis laudabat & ietus,

*Et pagma, & pueros inde ad Velaria raptos.*

Iuuenalis  
 explicatus.

Raptus arti-  
 ficiosi &  
 sublationes,  
 in pegmatis.

Nec enim interpretes hîc audio, qui Velaria locū esse  
 adserunt vbi vela recōduntur. Imò aliam ego lucem  
 Iuuenali do, & ita capio: quasi laudarit & stupuerit  
 adulator ille, quòd ludis gladiatoriiis, pueri è pegmate  
 subito in altam occultâ quadam machinâ rapti sint,  
 & ad Vela ipsa. Sanè recepti in Amphitheatris tales  
 lusus, talesque raptus. Qualis etiam ille Martiali ex-  
 pressus,

ordil

H

pressus,



pressus, de Tauro cū Alcide in æthera raptō, populo spectante & adstupente:

*Raptus abit MEDIA quod ad æthera Taurus ARENA,  
Non fuit hoc artis, sed pietatis opus.*

Lego etiam in veteri inscriptione, PRAEPOSITVS. Velarii, pro hominibus.  
VELARIORVM. DOMVS. AVGVSTAE. sed alio sensu: quia Velarios ibi accipio, qui praepositi velis in aulâ ducendis. Ita in aliis lapidibus: VELARII. DE. DOMV. AVGVSTI. & alibi: VELARII. DOMVS. AVGVSTANAE. Sed redeo ad Theatrica nostra Vela. quæ moneo non semper extensa: quia sæpe id impediēbat ventus. Vela ventus sæpe negabat. Nec mirum in tam laxo & capaci circo. Hispanus poëta:

*Aut Pompeiano vela negata Noto.*

Quid tū igitur? inquires. spectabantne indefensi à Sole? Non prorsus. duplex iis etiā tegmen, siue Pillei, siue Vimbelle. Pillei quidē Thesalici, vt suprà ex Dione rettuli. quem eundem ego censeo cū Macedonico, siue Causiā: inductus à Martiale, qui inter Apophoreta Lemma habet, *Causiā*: (malè enim in plerisq. libris, *Gausapa*.) & accommodat ad hunc theatralem ritum: Tunc Vimbella succedebat, aut Pilleus.

*In Pompeiano tectus spectabo Theatro:*

*Nam populo ventus vela negare solet.*

Significat disertè, vsurum se tegmine Causiæ contra solem, si ventus inuidisset vela. Ad eundem vsus refero Pilleos in Theatris ab Editoribus interdū datos, siue birros. Vopiscus in Carino, vbi Iunium Messallam eiusq. effusionem in ludis accipere taxat: Pillei quā sine dati.  
*Donati sunt ab Atrebatibus birri petiti, donati birri Candidi.* At de Vimbella, Martialis idem: Vimbelle.

*Accipe*

*Accipe quæ nimios vincant umbracula soles.*

*Sit licet & ventus, te tua vela tegent.*

Harū forma.

Quam à faciendâ umbrâ dictam scito, nec aliud tegmen quàm quo hodie in Italiâ passim supra caput suspenso vtuntur, per viam & in æstu. E linteo formant, instar obtusæ & breuioris metæ, quod orbiculatâ virgâ extensum, baculo sustinent supra caput erectum. Iuuenalis de eadem:

\*Colorabant enim, ut puto, profanore cuiusque in hanc illamue Circi festionem: Præstanti, Venetam, &c.

*En cui tu\* viridem umbellam, cui succina mittas.*

Et Umbellati clauī apud priscos Architectos, qui capite paulatim instar turbinis latiore: itemq. Umbellati flores Fœniculi, Anisi, Sambuci apud hortenses scriptores. Denique umbella, quod οὐρέσις Græcis.

## CAPVT XIX.

*Per occasionem, de pilleo quesitum. fuerintne eo vsi Romani? Non videri: imò nec Gallos aut Germanos. Certa tamen tempora fuisse, quibus permissum tegmen: certos item homines. Nodi plerique omnes in eâ re, & scriptores explicati.*

\*Auctoritatem

**D**ESIERAT Florentius, & iam surgebat. sed ego iniectâ blandè manu, Viam mihi aperis eius sermonis, inquam, in quem deferri diu mihi votum. Itaque, per tuam fidem, qui tam multa hodie medocuiſti, hoc quoque velut *\*ἐπιμαρτυρεῖν* admetire, de Romanorum capite tecto siue intecto. Nam causam iis tribuis aut pillem: sed tantum per ludos. quid ergo censeam? reliquo eos tempore fuisse intectos? ægrè id crediderim, in moribus nostris tam aduersis. Florentius renidens, A viâ in semitam me abducis,

ducis, inquit. quam tamen, quoniam valdè velle te video, percurram pede leui. Caput apertum & sine tegmine habere, nō Romanis solūm olim; sed quod magis mirère, etiam Græcis veteribus, & fortasse Germanis, Gallisque nobis commune. De Græcis: ecce apud Homerum non causiæ non pillei vsquàm mentio. nec celat nos eius interpres, quin silentium id ab hoc ritu. Quin Horatius in vitâ Hippocratis, anxius est cur imago eius pilleata cernatur. idque alij ad peregrinationes eius rettulere, alij ad alias causas, quas ibi vide. At de Germanis, inducit me facile Tacitus: qui cirros eorum nodosq. commemorat, tegmina nusquam. imò de Suevis, clarè satis ostendit pugnassee eos etiam capite aperto, crinibus religatis in altitudinem quamdam & terrorem. Et comatos nostros Gallos, quidni credā eâ parte intectos? Ni fuissent, & pleræque imò Europæ gentes: non pilleum apud Parthos demū Martialis, vt nouum, quesisset:

Pleræque  
olim gentes  
capite nudo.

Græci.

Germani.

Galli.

*Frustrà blanditiæ venitis ad me:*

*Ad Parthos procul ite pilleatos.*

Sed de Romanis ipsis, securiùs pronuntiem: quia signa mihi in illis & argumenta plura. Primūm nummi omnes veteres statuæq. (in quibus cultus scilicet & habitus priscus) sine tegmine semper. Scriptores item prisci, pilleum aut petasum abstinere videtur à vulgo. Quò facit valdè Suetonij locus: qui Iulium Cæsarem ex omnibus decretis sibi honoribus, non alium libentiùs aut crebriùs vsurpassè ait, quàm ius laureæ coronæ perpetuò gestandæ: idq. ad caluitium celandum. Obsecro vt quid, si pilleus aut petasus

Parthi tamē  
pilleati: &  
quod alibi  
legisse scio  
Daci.  
Argumenta  
quibus pil-  
leum sper-  
nimus à Ro-  
manis.



illis? qui certè aprior & fidelior ad dissimulandum caluitiam, quàm corona. Quintiliani item Oratoris sui descriptio. in quo eùm vestium omnium singillatim meminerit, vsque ad calceos: in capite tamen format & fingit solum capillum. Sed vossellis te pungo: ecce telum. Eustathius Homeri interpres disertim scribit τὸ τοῖς κεφαλὰς ἀναλύπτες ἔχειν ad Romanos transisse à priscis Græcis. Cui auctoritati quid

Excipiuntur  
tempora  
quædam.

Sacrorum.

Ludorum.

Saturnaliū.

opponas? Tamen fateor Tempora quædam & Homines spectandos, quibus ius & vsus regendi. Tempora quinque: Sacra, Ludi, Saturnalia, Peregrinatio, Militia. Nam Romanos dum sacrificabant, capite scimus fuisse velato, idque prisco quodam & obuiu ritu. Idem in Ludis fuisse, docui iamantè. Etiam Saturnalibus, per quos liberrimæ vitæ dies pilleus admissus, signum scilicet libertatis. Martialis:

*Permittis puto pilleata Roma. Idem:*

*Dumque decent nostrum pillea sumpta Jouem.*

Peregrinationis.

\* Qui distinguunt tamen à Pilleo. quod ille ad vmbra facientem margi-natur, ut nostri galeri (forma enim in Mercurij statuis:) hic non item, sed quales dormitorij aut nautici pillei. Militiæ.

Sed & Peregrinatio quoque petasum bono iure sibi sumpsit, contra pluuias, æstus, ventos. Plautus ubique addocet, qui peregrè euntibus aut venientibus petasum aptat. Cicero item alibi in Epistolis, describens tabellarios iturientes, *Petasatos eos venire*, ait, *& comites expectare ad portam*. Nec aliùs mentis illud Suetonij de Augusto: *Solis ne hiberni quidem patiens, domi quoque non nisi petasatus sub diuo spatiabatur*. Ait, domi quoque. quasi nouum illud & insolens innuens, quod alibi quàm per viam. Denique Militiæ pilleos non adimo, inhibitus à Vegetio: *Vsque ad præsentem*, inquit, *etatem consuetudo perman-*  
*sit, ut*

fit, ut omnes milites pilleis quos Pannonicos vocant ex pilleis vterentur. Nam aliâs, exempla etiam in militibus pilleorum rara. Iam Homines etiam certi, ut dixi, quorum vertex immunis à cōmuni more. Primum Liberti. quos in pilleis fuisse, nouâ libertate, notius & testatius est quàm ut hîc dicam. Addo Aegros. quibus hoc quoque licuit, capiti firmando. Ouidius indicat, qui Amanti suo præt ad morbum & pallorem fingendum, & pilleolum tribuit inter signa:

Excipiuntur  
& homines.

Liberti noui.

Aegri.

*Arguat & macies animum. nec turpe putâris*

*Pilleolum nitidis imposuisse comis.*

Artemidorus etiam, qui De Somniis scripsit non somnuculosè. Nam libro primo argutè obseruat, *ἐλα*

*ἀντὶ ξιχῶν ἔχειν νόσους μακρὰς καὶ φθίσιν παραγορεύει: lanam*

*pro capillis habere, longos morbos & tabem significare: ni-*

*mirum quia pilleoli isti è lanâ. Sed & Græcis πιλί-*

*δον receptum in morbo. Plato I I I. De Repub. ἐὰν δέ*

*τις αὐτὰς μακρὰν διαστῇ περὶ ἀστυ, πιλίδια τε περὶ τὴν κεφαλὴν*

*περιπείσῃ. Sed & Senibus pilleum tribuerunt, à pari*

*causâ. Varronis fragmentum adsignificat, è libro I.*

*De Vitâ populi Romani: Minores natu, inquit, capite*

*aperto erant, capillo pexo, utique innexis crinibus. Et Ni-*

*cephorus Gregoras ostendit eum morem cum Ro-*

*mano imperio Byzantium etiam translatus, li-*

*bro X. in extremo: De capitis tegmine, ait, moris apud*

*superiores Principes erat; ut etate prouectiores aulici pilleis*

*turbinatis vterentur; serico teetis: iuniores autem omnes*

*prorsus nudis essent capitibus. Andronico autem Imperato-*

*re, is mos aded exaleuit, ut passim omnes & seniores & iu-*

*niore pilleis vterentur, non minus in palatio quàm in agris:*

Etiam apud  
Græcos.

Senes.

\* Aliud ergo  
in maioribus  
fuisse vide-  
tur.

*iusque variis & peregrinis.* Sed tamen permixtum hoc potius senibus credo, quàm crebrò vsurpatum. Romæ quidem. nam vbi exempla? Et contra Varronis verba, nonnihil etiam inuenire possum, quod probabiliter obstrigillum. Quartum denique genus cum pilleis, sed malè certis aut firmis. Conuiuæ enim fuisse videntur pilleati. Horatius suspicionem clarè facit:

*Vt vinosaglomus furtina Pyrrhia lana,*

*Ut cum pilleolo soleas conuiuia tribulis.*

Nam habitum conuiualem adtribuere illi nescio cui videtur, & Soleas & Pilleum. Itaque vetus ibi interpret: *Νέυε sic suffarcinatus eas, vt vnus de tribu, qui ad canam vadens, ipse sibi soleas fert cum pilleolo.* Et paulo

\* An veteranorum?

Sed ambigua cares.

post: *Hæc erat consuetudo veteranorum, pilleum portare cum calceis.* Quibus verbis quid sani subsit, haud sanè video. Et ambigo in toto hoc ritu. Primum, quia in tam crebrâ cõuiuiorum mentione pilleos non alibi inuenio. Secundò, quia inepti iidem, me iudice, conuiuantibus, ob vnguenta, ob coronas. Illud credo magis, pilleorum vsum in balneis fuisse: à quibus cum exirent, eosdem aliquando retinuisse etiam in mensa. Certè lapis antiquus Patauij est, vbi conuiuij aliqua forma, & qui accumbunt, partim capite nudo, partim velut pilleolo aut fasciâ deuincti. Sed

\* Sic ut & Saturnaliorum pilleus, maxime videri possit à conuiuiali ritu: non aliter quàm Synthesis.

hem! quod me pænè fugerat, Athenæi locus est, qui nescio an\* stabilitor & stator pilleo conuiuiali. Nam loquitur apud eum libro v i. Larensius dilaudans suos Romanos: *ἐδῆτας δὲ ἔχομεν καὶ ὑποδέσεις ἐντελεῖς, ὡς τε ταῖς κεφαλαῖς περικείμεθα ποροατίαν δερμάτων δασεῖς.* id est: *Vestes etiã habemus & calceatus frugi ac simplices,*

*& pillos*



*Et pilleos capitibus circumponimus ex ouium pellibus densos ac villosos. Nec est sanè vt pilleos illos aliter accipiamus, quàm aut de mensalibus (in conuiuio enim hæc dicta) aut peregrinantibus. Quod postremum ipse Larésius firmare videtur, qui præmisit, Romanos nihil superflui in vestitu habere, ἄτε ἀπερχομένους: .i. vt ego interpretor, nec peregrinantes, quidem, aut aliò abeuntes.*

## CAPVT XX.

*Obiectio pro pilleo: eaquæ remota. Quis mos Romanus in capite aperiendo, Et operiendo. Plutarchus explicatus. Palliolum ad caput tegendum: eaquæ in re Seneca, Petronius, Plautus illustrati nouiter.*

**A**T me, Lipsi, sermonis iâ seriò tædet, & sessio-  
nis. Abeo. Imò ego te teneo, inquam: & no-  
dum iniicio, quem prius necessum est soluas. Ro-  
manos adfirmas capite intecto: & in parte mihi per-  
suades. Sed de honore tamen quomodo expedis?  
quomodo caput digniori alicui aperuerunt, si id  
semper apertum? Nam Sallustius ecce scribit: *Sullam  
in victoriâ Dictatorem, equo descendere Pompeio vni, ad-  
surgere de sellâ, CAPVT APERIRE solitum.* Et ne-  
quid de militiâ hîc cauillere; audi Senecam, qui re-  
censet vt vulgatissimum morem: *Si Consulem videro  
aut Pratorē, omnia quibus honor solet haberi faciam: equo  
desiliam, CAPVT APERIAM.* Risit secundum ista  
Florentius, Et heu Gordium nodum inquit. vbi Te-  
nedia securis? Non vides etiam in illis Senecæ verbis  
effugium, de militiâ aut peregrinatione? Nam desul-  
tum etiam ex equo addit: equi auté vsus infrequens

Caput ape-  
ruisse, in ho-  
nore haben-  
do, Roma-  
nos.

Quomodo  
id factum.

Plutarchus  
paulo con-  
sideratius,  
quàm ab in-  
terprete, ver-  
sus.

Lacinia to-  
gæ caput re-  
ctum.

Interdum  
pallio, sed  
ab agris aut  
delicatis.

non  
modestum  
- enim  
- non

\* Vide si li-  
bet Epistol.  
Quæst. lib.  
III. Epist.  
XXIII. su-  
per hoc loco.

Petronio  
lux.

aut nullus in vrbe. Sed tamen confide. non vtar his  
effugiis: veram soluendi viam insistant, sine diuerti-  
culo vlllo aut flexu. Quam præit mihi clarè Plutar-  
chus, in Caussis. clarè quidem vt verba Græca sunt:  
nam interpretes rem totâ inuoluit caliginosâ & delu-  
tâ versione. Air: οἱ ῥωμαῖοι ὅς ἀνδρόπων τοῖς ἀξίοις πρὶς  
ἀπαντῶντες, καὶ τὸ χροσιν ἐπὶ τῇ κεφαλῇ τὸ ἱμάτιον ἔχοντες, ἀπο-  
καλύπτουσι. id est: *Romani, sicut obuiam facti sunt, cui honor  
habendus, & si fortè caput veste inieciâ tectum habeant,  
id reuelant.* En capitis omnis tectio: en apertio, quæ  
Romæ. Laciniam togæ inquam (ea enim Plutarchi  
vera mens) in caput sæpe reiciiebant, contra ventum  
aut æstum: eamque detrahebant in honorati alicuius  
occurfu. Plutarchus idem eum habitum expressit  
in Gracchis. de Nasicâ: τὸ κεκαυθὲν τῷ ἱματίῳ θερμὸς ἐπὶ  
τῇ κεφαλῇ: *Lacinia togæ reiciens in caput.* Et passim num-  
mi & marmora præferunt, quoties repræsentant sa-  
crificantes. Atque hæc vulgata tectio, & sine notâ.  
aliâ etiam eruo, quæ delicatiorum aut imbecillium  
propria, quæque sæpe cum suspitione luxus. Ea erat,  
vt capite incederent palliolato. Seneca de ingenioso  
probro, sed enervi Musarû patre: Μαροματὲμ dico.  
*Hunc esse, qui in tribunali, in rostris, in omni publico cœtu  
sic apparuerit, vt pallio velaretur caput, exclusis utrimque  
auribus, non aliter quàm in mimo.* Diuite fugitiui solent.  
Plutarchus superbiam Pompeiani liberi, Demetrii,  
taxans: *Domino stante ipse, inquit, accubebat.* ἔχων δὲ  
τοῦτον τὸν ἀνδρῶνα: *Qui locus bene allucet  
illi Senecæ. sicut & huic Petronij, describentis accu-  
bitum mollissimi omnium Malchionum: Pallio, in-*  
*quit,*

quit, coccino adrasum incluserat caput. Et Plauti versum  
ausim illuc trahere, à paucis propriè intellectum:

Et Plauto.

*Tum isti Græci palliati, capite operto, qui ambulant.*

Scænicè enim tangit delicatos & molles istos, quod  
etiam aliàs solet per occasionem. Sed dixi quoque  
ægros eo vsos: haud dubiè cum iustiori iam excusa-

tione. Nec de alio palliolo capies illa Suetonij, Clau-  
dio cap. 11. *Ob valetudinē, gladiatorio munere, nouo mo-*  
*re, palliolatus præsedit.* Hoc Quintilian: *Palliolum,*  
*sicut fascias & focalia, sola excusare potest valetudo.* Item  
Senecæ: *Videbis quosdam graciles, & palliolo focalique*  
*circumdatos, pallentes & ægros.*

\* Et si paulo  
aliter ego ee-  
pi, in 1. Sa-  
turnal. meo-  
rum, cap.  
xiii. Nunc  
auto, & pa-  
nè mus.

# CAVTV XXI.

*Spoliarij vbi locus fuerit. Gladiatorum cadauera vncō tra-*  
*cta. Victor illustratus. De gradibus qui intra porticus.*

**E**T latini vt exsolui hunc nodum? certè me. iāque  
ab eo & surgo bonā fide. Simul descendit. ego  
consecutus sum, & ad portam cum venissemus quæ  
ducit ad Forum, Heus tu, inquam: Spoliarium non-  
ne etiam in Amphitheatris? vbi illud? Florentius,  
Non ipsis, inquit, sed iuxta ipsa. Et censeo è regione  
ad alteram illam portam fuisse, quæ, nisi fallor, Libi-  
tinensis. Nam Spoliarium, quod receptaculum mor-  
tuorum aut grauitè in Arenā læsorū, iure consti-  
tuam iuxta mortualem istam portam. Enimuero  
solent gladiatores occisi turpiter vncō per Arenam  
trahi in Spoliarium. Docent adulationes illæ Se-  
natus, quæ apud Lampridium in Commodō: *Gladi-*  
*toris cadauer vncō trahatur: gladiatoris cadauer in spoliario*  
*ponatur.*

Spoliarium  
probabiliter  
ad portam  
Libitinē-  
sem.

Gladiatores  
trahi.



Quid sit Funus gladiatorium.

Gradus interiores, per quos ad spectacula adscensus.

Incredenda imperitis potentia Romana.

ponatur. Et hoc idem censeo Victorem significare, in Domitiano, cum scribit: *At senatus gladiatoris more funus ferri, radendumque nomen decreuit.* Iamque ad Porticus veneramus, ad quas substitit, Vidéne hos Gradus? inquires. Paulum etiam adscende: videbis alios, ita flexos & dispositos aptè, vt quantumuis conferta multitudo statim egredi & ingredi ordinatè & sine conflictu potuerit. Ordines hi graduum siue scalarum, vt vides, miro artificio pænè inuicem decussantur: & ad ostiola sua siue Vomitoria singuli ducunt. Iam columnæ istæ, iam coronæ, epistylia, zophori, & vno verbo, omnia exteriora huius operis, admiranda nostro sæculo, non imitanda. Sed hæc videlicet potètia Romana, hæc olim opes: quas etiam docti plerique capiunt dumtaxat & vident per nubem.

## CAPVT XXII.

*De Pegmatis accuratè dictum. Latinis, Confixa. Apuleius explicatus nouè. Pegmata libraria in Cicerone. Theatrica qua forma, & cui vsui. Mira in iis & stupèda. Varij ad hanc rem scriptores aduocati. & cum luce dimissi.*

**E**GRESSI iam eramus, & viam rectam institimus: ad Forum. Atque ego, Hoc vnum etiam Florenti, inquam: vbi Pegmata hîc? aut quid sibi voluit poëta eo verbo? Nam ruminor Martialis eccillos versus, quos adduxti:

\* Ponit clare in viâ, & credo illinc in Theatra, siue Amphitheatra, duce solita, ne locum aliter frustra occurrent.

*Hîc vbi siderens propius videt astra colossus*

*Et cresunt mediâ Pegmata celsa\* viâ.*

Florentius, Properaret tibi inelius sit, adolescens, inquit. Nam vt diei tempus est, ad aulam tuam venies

vacuis

vacuis iam aulis. cæna inquam tibi comesta erit. Sic fiet, inquam : tu modò aures mihi farci, vt cum Varrone dicâ, scholicâ istâ dape : quâ explear numquam. Age, inquit Florentius : sed vt sine iacturâ tuâ sit, inter eundum. Pegmata antiqui appellarunt machinas quasdam è ligno, quibus vsus in Theatris aut Arenis. vox Græcâ origine est, ἀπὸ τῆς πηγμῆς, quod est Figo, Gelo, Compingo. Itaque Glossæ priscæ πῆγμα interpretantur *\* Confixum*. & doctè Apuleius *confixilem machinâ* dixit, adlusione ad vim ipsam verbi. De Pegmatis enim ego interpretor, quæ lib. I I I I. scribit in apparatu muneris: *Confixilis machinæ sublicæ. turres tabularum nexibus, instar circumferentiæ domus, \* floridæ pioturæ: decora futuræ venationis receptacula*. Pegma paullò aliter, pro loculamentis pluteisque librariis Cicero dixisse videtur lib. I I I I. ad Att. Epistolâ VIII. *Nihil venustius quàm illa tua pegmata. postquam misisti, libros illustrarunt valde*. At nostrum istud, non aliud quàm grandis quædam & ingeniosa contabulatio, quæ sponte & occultè statim cresceret, statim subsidèret. ideoquæ compacta raris quibusdam tabulis & sublicis. Prudentius:

*Tabulis supernè strata texunt pulpita*

*\* Rimosa, rari pegmatis compagibus.*

Quæ ornatus causâ, tecta sæpè argento vel auro, sed tenui. Martialis:

*Hac fuerat nuper nebulâ tibi pegma perunctum.*

Etsi Caius Princeps, vt Plinij verba sunt, in Circum (ita lego) pegma duxit, in quo fuere argenti pondo centum viginti quattuor. In his Pegmatis varia inuenta & stu-

Pegma, vnde dictum.

*\* Dubites an non Lucilij iocus apud Cicer. II. De Orat. huc spectauerit, Quid Decius Nuculæ, An confixum visfaceret inquit. ubi et obsecras subesse videtur.*

*\* Picta enim Pegmata, infra ex Claudio. In bibliothecis pegmata. Qualia hæc Theatrica. Et tabulis raris & interlucentibus, ad laxanda & comprimenda.*

Augustini  
ad pēgmata  
non dubia  
allusio.

Graphica  
eorum de-  
formatio in  
Senecā.

Crescebant  
subitō.

Desidebant.

Ruinā ab-  
sorbeantur.

Appuleius  
correctus.

\* Nisi manus,  
recepit.  
Homines  
item, qui  
impositi.  
Petronio lu-  
cem damus.

pendi lusus ingeniorum. de quibus Augustinum lo-  
qui sentio libro x x i v. De ciuitat. cap. x x i v. *Ad  
quā stupenda opera industria humana peruēnit? quæ in  
Theatris mirabilia spectantibus, audientibus incredibilia,  
facienda & exhibenda molita est?* Nam ait, in Theatris.  
Seneca pleraq. ea omnia conatus est exprimere, Epi-  
stola xci. *His licet annumeres, inquit, machinatores,  
qui pēgmata ex se surgentia excogitant, & tabulata tacitè  
in sublime crescentia, & alias ex inopinato varietates: aut  
dehiscentibus, quæ cohærebant, aut quæ distabant, sua spon-  
te coherentibus: aut iis quæ eminebant, paulatim in se resi-  
dentibus.* Crescebant, ait, in sublime. Ideò Martialis,

*Et crescunt media pēgmata celsa via.*

Subsidebant eadem: & rectè Claudianus:

*Mobile ponderibus descendit pēgma reductis.*

Quin interdum chasinate & ruinā subitā dehisce-  
bant: siue tota pēgmata, siue homines qui impositi.

De machinā ipsā, Appuleius indicat lib. x. *Iamquæ to-  
ta suauē fragrante cauea, montem illum ligneum terræ vo-  
vago decerpit.* siue, vt liber scriptus, \* *decepit: bene &  
propriè.* De hominibus, Petronius: *Non taces, inquit,  
gladiator obscene, quem de RVINA Arenæ dimisit? Non  
taces nocturne percussor, qui ne tum quidem cū fortiter  
faceres, cum pura muliere pugnaſti?* Significat enim a-

pertè, fugitiuum illum in Arenam damnatū & cum  
fœdā muliere aliquā (non dissimili schemate, quo a-  
sinus Appuleius) cōmissum, ruinā Pēgmatis præter  
spem euasisse. Et clarè iterum: *Ergo me non RVINA  
terra potuit haurire? non iratum etiam innocentibus mare?  
Ausugi iudicium, Arenæ imposui, hospitem occidi, vt inter  
audacia*



*audacia nomina, mendicus exsul in diuersorio Græcæ urbis iacerem. Et solent interdum ita componere pegma & hanc ruinam; ut ij qui impositi, præcipientes ruerent in caueas ferarum: ibique discerperentur. Strabo eleganter de Siculo quodam latrone qui Ætnæ filius audiebat: τῶν, inquit, ἐν τῇ ἀγορᾷ, μονομάχων ἀγῶνος σκευὴς ὄντος, εἰδομένου διασπαδέντα ὑπὸ θηρίων, ἐπὶ πῆγματός γάρ τινας ὑψηλῆς τεθείς ὥς ἂν ἐπὶ τῇ αἵτης, διαλυθέντος ἀφηνιδίως καὶ συμπεσόντος, κατῆρχθη καὶ ὁ αὐτὸς εἰς γαλεάρας θηρίων ἐνδιαλύτας ἐπίτηδες παρεκδυσμένας ὑπὸ τοῦ πῆγματι. id est: Eum nos in foro; per ludos gladiatorios, discerpi à feris vidimus. In sublimi enim tabulato, tanquam in Ætna, positus, eoque compagibus solutis subito concidente, ipse quoque cecidit in caueas ferarum quæ faciliè exsoluerentur, infra tabulatum de industria dispositas. Sed & flammarum quidam lusus & imago in hoc Pegmate: sine ullâ eius plerumque noxâ. Claudianus:*

Homines in subiectas ferarum præcipitati.

\* Forma scilicet montis lignei, ut in Apuleio.

Flammarum lusus in pegmate.

*Mobile ponderibus descendat pegma reductis:*

*Inque chori speciem spargentes ardua flammæ*

*Scena rotet. varios effingat Mulciber orbes*

*Per tabulas impune vagus: \* pictæque citato*

\* Adde Apuleij locum supra: Floridæ picture. Pingentium hac pegmata solent.

\* Etiam Apuleius supra nominat Captiuos duces in pegmatis.

Quæ tamen diu, sa paulo ab istis.

*Ludant igne trabes: & non permissa morari*

*Fida per innocuas errent incendia\* turres.*

Vopiscus in Carino: Pegma præterea, cuius flammis scena conflagrauit: quam Diocletianus postea magnificentiorem reddidit. Duces etiam captiuos & opida in Pegmatis solere ostendi, Iosephus adnotat libro v i i. Iudaici excidij: sed non hæc Theatrica intellegens, verum

Percula quæ portari solita per triumphum. Verba eius: Θαῦμα δὲ ἐν τοῖς μέλυσσιν παρῆχεν, ἢ τῶν φερόμενων πη-

γμάτων κατέσχευεν. καὶ γὰρ διὰ μέγεθος ἦν δεῖσαι τὰς βεβαίως τ'  
 φορὰς εἶπαι ἀπισήσαντα. ἑώρα γὰρ αὐτῶν & τεῖωρα πολ-  
 λὰ πεποίητο. id est: *Maximam autem admirationē prae-  
 apparatus Pegmatum, quae ferebantur: Nam ob magni-  
 tudinem eorum, iure metuere licebat, & diffidere omnino  
 viribus portantium. quippe quaedam triplici tabulato adsur-  
 gebant, quaedam & quadruplici. Statimque addit: τέ-  
 τακτο δὲ ἐφ' ἑκάστῳ τῶν πηγμάτων, ὃ τ' ἀλικομένης πόλεως σε-  
 τηγος, ὃν ἔοπον ἐλήφθη. i. Collocatus autem in quoque pegma-  
 te erat capta civitatis dux, eo modo quo captus. Magis  
 proprie ad hanc nostra pertinent Suetonij\* loci duo,  
 alter in Caio, cap. xxv i. Claudio alter cap. xxxi i i i.  
 quos vide. Ambigo an & Aristoteles ad Alexandrum,  
 ad has machinas non aspexerit: ὥστε δρῶσι οἱ μηχανό-  
 τεχνοι, διὰ μίας ὀργάνου χάσεως, πολλὰς καὶ ποικίλας ἐκρηγείας  
 ὑποτελέοντες. Certè\* Apuleius, dum verba ea vertit:  
*Machinatores fabricarum, astutiā vnius conuersionis,  
 multa & varia pariter administrant. Parapegmata*  
 etiam nominata Vitruuio inuenies, pro instrumentis  
 Astrologorum: & in Laërtio scriptum, Democritum  
 scripsisse Astronomica parapegmata. Inter hos ser-  
 mones, ventum iterum ad Pantheon. ille ad sini-  
 stram, ego ad dextram, vale dicto, defleximus.*

\* De quibus  
 non repeto  
 mihi scripta  
 i i. Saturn.  
 cap. xlv.

\* Qui au-  
 tem illum  
 libellum ver-  
 tit verbatim  
 pene.  
 Parapegma-  
 ta.

FINIS.

INDEX

## CAPVT I.

*Dialogi occasio. Florentij Lauus. Vrbs diruta, non diruta: & splendida eius ruina.*

## CAP. II.

*Ad Amphitheatri descriptionem aggressio. Primum de nominibus eius questum. Cur Amphitheatrum dictum, & cur Cauca.*

## CAP. III.

*Arena nomine dictum eundem locum. idem quia sterni arenam solitus. Cuius generis ea stratura: quam varia? Plinius & Ovidius explicati. Arenarum. Tertullianus emendatus, & declaratus.*

## CAP. IV.

*Ex occasione, de diis quibus Amphitheatrum sacratum. Diana in primis. Ioui Latari, siue Diti. item Saturno. Ara Iouis in Arenam. Matatio ad eam stata vnus est bestiarius. Tertulliano ac Minutio lux.*

## CAP. V.

*Quando prima Amphitheatra cœpere. videri sepe irrepisse: idque statim post Venationem. Sed lignea primo fuisse. mox à lapide, Statilij Tauri. Augustum dedum Venationibus. Dio correctus. Antiquariorum error in loco Tauriani Amphitheatri.*

## CAP. VI.

*Tauri amphitheatrum exustum, & reparatum. Aliud maius à Vespasiano structum. Vibe veteri mediâ. Suetonius correctus. Fortasse & Victor. Titus dedicauit id opus. postea collapsum, & sepe instauratum.*

## CAP. VII.

*Communis Amphitheatri Titiani forma. Altitudo, & capacitas eius. Laus & praconis. Denique vbi situm. Martialis explicatus.*

## CAP. VIII.

*Ingressio in particularem Amphitheatri descriptionem. Primum de forma eius: quæ Qualis ostensa. Calpurnius & Dio explicati. De solo Arena: in quo cloaca siue specus. & cui rei: Item de portulis.*

## CAP. IX.

*De Specubus subterraneis, amplius. item de Caneis in Amphitheatris. Liuij defectus aut expletus, aut sententia eruta. Porta in caneis, & Plauto lux. Emissio ferarum, & immissio.*

## CAP. X.

*Aliiter atque aliter solere ornari hanc Arenam. in modum siluæ, in modum maris. Antra pro caneis: interdum Naues. Vopiscus, Apuleius, Calpurnius emendati.*

## CAP. XI.

*De muro qui Arenam cingit. de Podio quod super eum, eius formâ. Dignissimum eum locum ad spectandum, Senatui attributum, imò magistratibus. Aptum ad curules sellas. Principi ibi Suggestus, Tribunal pratoris: & Vestalium sedes.*

## CAP. XII.

*Quod tutamen infimo illo Podio fuerit à feris. Retia solere pratendi, bene nexa, bene firma. Versatilia item quadam ligna: Cancelli ser-reos &*



reos & Euripus. Sudatum in Calpurnij versibus.

## CAP. XIII.

Gradus, & eorum forma. Dimisi accuratè in suas partes. Puluilli in iis. Precinctiones. Aditus. Via. Cunei. Cathedra. Porticus. Virruuius, Tertullianus, Martialis, Calpurnius, varij scriptores variè emendati aut illustrati.

## CAP. XIII.

De ordine & locis in sedendo. Quando discrimen id factum. De Orchestra. de Equestribus: & Tribunos quosdam nouos fuisse inter Equites. De Popularibus. de que loco Pullatorum & Faminarum.

## CAP. XV.

Confusa aliquando locorum series: eaque occupata. Aes pro Locis. Plautus explicatus, & Suetonius, & Martialis. Designatores, eorum munus. Excitare. Tribuni voluptatum.

## CAP. XVI.

Tabi occulti in Amphitheatri ad Sparfiones. Eas è croco diluto fuisse. Apuleius emendatus. Videri eandem liquorem è statu emissum. Pluria ad hanc rem exempla.

## CAP. XVII.

Vela in Theatri & Amphitheatri. Quando eorum vsus coeperit. Colorata ea fuisse. aliquando & purpurea, auro distincta. Testimonia plura.

## CAP. XVIII.

Eadem Vela à Iuuenali Velaria dicta. Quid Velarj Augusti. Umbella vsus & causa fuisse, velis non expasis. Martialis & Vopiscus explicati. Umbellati clauis.

## CAP. XIX.

Per occasionem, de Pilleo questum. fuerintne eo vsi Romani? Non videri: imò nec Gallos aut Germanos. Certa tamen tempora fuisse, quibus permittum tegmè: certos item homines. Nodi plerique omnes in eà re, & scriptores explicati.

## CAP. XX.

Obiectio pro Pilleo: eaque remota. Quis mos Romanus in capite aperiendo, & operiendo. Plutarchus explicatus. Palliolum ad caput regendum: eaque in re Seneca, Petronius, Plautus, illustrati nouiter.

## CAP. XXI.

Spoliarj vbi locus fuerit, Gladiatorum cadauera vincto tracta. Victor illustratus. De gradibus qui intra porticus.

## CAP. XXII.

De pegmatis accuratè dictum. Latinis, Confixa: Apuleius explicatus nouè. Pegmata libraria in Cicerone. Theatrica quàm formà, & cui vsui. Mira in iis & stupenda. Varj ad hanc rem scriptores aduocati, & cum luce dimissi.

FINIS.

## PRIVILEGII CÆSAREI SYMMA.

**MAXIMILIANI II.** Romanorum Imperatoris semper Augusti, publico edicto cautum & sacrum est, ne quis cuiuscunque status, gradus, ordinis, aut conditionis fuerit, quacunque sacri Romani Imperij & ditionis eius fines patent, quacunque probatorum auctorum opera, quotquot vel hæcenus nondum impressa, vel ab alijs quidẽ impressa, novis autem deinceps scholijs, annotationibus aut commentarijs aucta & illustrata, Christophorus Plantinus eius & typographus Antuerpiensis primus typis procederit, intra proximam sexennium à prima cuiusque operis aut voluminis editione, villo pacto eiusdem vel diversis characteris forma exeat, aut excusa ab alijs, intra eiuſdem Maximiliani & Imperij fines vendenda importet, seu quovis modo distrahatur manifeste vel occulte, sub pœna decem Marcharum auri puri: quarum dimidia fisco Imperiali fraudis vindici, residua verò pars prænominato Plantino cedat, præter librorum ad imitationem impressorum amissionem: quos idem Plantinus ubicunque locorum nactus fuerit, per se, vel suos, adiumento Magistratus loci, vel citra, propria auctoritate sibi vindicare, inque suam potestatem redigere poterit. In cuius rei fidem ipsi Edicto manu subscriptis, & sigillum apponi iussit Cæsarea Maiestas. Datum in civitate Viennæ Austriæ, die vigesima prima mensis Februarij, anno Domini M. D. LXXV.

Subſig.

Maximilianus,

Ad mandatum sacræ  
Cæs. M. proprium

Haller.

## PRIVILEGIUM GALLIARVM REGIS.

**CAVTVM HENRICI III.** Galliarum Regis Privilegio, ne quis in omni eius regno libros totos, aut in parte, quoscunque Christophorus Plantinus aut nonos excuderit, aut veteres, sed correctos siue illustratos, aut adnotatos, eosce iterum excudat, excudi faciat, aut excusos vendat. idq; intra sexennium à cuiusque libriditione. Id autem hoc fine, ut ne idem Plantinus, laborum suorum, sumptuumq; meritissimo fructu priuetur, cogaturq; tandem intermittere aut omittere laudabile suum munus, cum detrimento rei pub. litterariae, & doctorum. Qui contra fecerit, sciat paratam librorum confiscationem, aliasq; pœnas siue multas, quæ Regijs Edictis continentur. Cum lege tamen, ne idem libri quicquam contineant, quod vel Religioni Catholica Apostolica Romana, vel huius Regni Statui aduerſetur. Atque huius Edicti exemplar cum fronti aut calci cuiusque operis apponetur, nullus typographorum siue bibliopolarum ullam ignorantia causam prætexat. Datum Fontibellaque, quinta Augusti M. D. LXXXII.

Signat.

Per Regem

De Neufville.





IUSTI LIPSI  
DE  
AMPHITHEATRIS  
QVÆ  
EXTRA ROMAM,  
LIBELLVS.

*In quo Forma eorum aliquot & typi.*



LVGD. BATAVORVM,  
EX OFFICINA PLANTINIANA,  
Apud Franciscum Raphelengium.  
CLC. IC. LXXXIX.



IVSTVS LIPSIVS

ABRAHAMO ORTELIO

S V O S. D.

**N**A E tu beneficā quādam naturā es, mi Orteli: qui rem omnem tuam librariam, tam promptē non offers mihi solū, sed adfers. Vix iniecerā de libellis aliquot: tu mihi promiss largiter ex vberē tua penus, & ambabus, quod Græci dicunt, manibus donas. Amo iure, vt antea virtutem modestiamque tuam, sic prolixum hunc amorem. nec diffiteor vsui mihi apparatus istum fuisse, ad meam hanc Arenam. Illa præsertim Serlij. quæ etsi ad Architecturam externam in primis spectant (quam anxie hic non quæsiui:) tamen insuere iis, quæ in formā facieque ipsā loci, gressus meos vacillantes direxerint aut firmarint. Imagines enim aliquot talium monumentorum cum iudicio & fide representat: quorum adspectus viam nobis in parte sternit, ad intellectum veterum morum. Et quamquam ipsi coram ea olim vidimus, & per biennium ferè solum pressimus Dominae urbis: tamen, vt adolescentia nostra tunc fuit, nec abdita illa & à fronte remota rerū penetrauimus, nec cum accuratatione excerpimus, quidquid ad meliorem vsum. Scilicet erraui eundem errorem, quem plerique hodie mihi compares: & pueritiā adolescentiamq. peregrinationibus dedi, quæ iudicium & dilectum profecto quaerunt. id est, virum. Quot mihi in animo & oculis ex istis, qui varias terras & maria circulati sunt? adco cum nullo suo fructu, vt plerique vitia tantum

L 2

imbiberint,



imbiberint, & animi corporisque morbos. Partem eorum Scylla quædam libidinum abripuit: partem Charybdidis aliarum voluptatum. Nos ipsi quod salui fretum hoc enauimus; nunquam alteri adscripserim, quàm Bono meo deo. Iam illi qui rem fecisse sibi atque aliis videntur, quid referunt ex hoc mercatu? externos gestus, simulationes, linguas: boni moris ac virtutis, pauci igniculum aliquem aut semen. Atque ut Appion ille, falsò Polyhistor, cum Homerum ab inferis magno molimine euocasset, nihil eum interrogauit nisi, Unde domo? sic plerique istorum adolescentium, in occasione præclara discendi, futilia tantum consueantur. Itaque ut veram peregrinationem laudo, susceptam maturo iudicio, maturo auro: (dux enim illa, non nego, ad prudentiam & rerum usum:) sic iuuenilem & vanam hæc iure abhorreo. quæ mihi similis longæ nauigationi videtur, sine metâ, sine portu. Fæctatur in naui, circûaguntur variis ventis: & cum ad terram & ad seipsos flectunt oculos, vident non multum se, sed diu nauigasse. Sed aberro, & in hoc peregrinationis sermone à re meâ ipse peregrinor. Domû & ad me, imò ad te redeo: cui donum mittimus, Imaginum eiusmodi aliquot Amphitheatralium delineationes. Ac pluria sanè superesse scio in Italiâ, Hispaniâ, Galliâ: sed cum omnia ferè ad par exemplum, quid opus pluribus exemplis? Illustria aut nouata sumpsî: & dono per se tenui & non dono, bracteâ aliquam verborum circumdedi, & velut lucem nostræ interpretationis. Tu, mi Orтели, paruum hoc, sed non fallax animi mei monumentum habe. monumentum, cui, ex vetere formulâ, DOLVS MALVS ABEST. Vale.

## DE AMPHITHEATRIS

QVÆ EXTRA

ROMAM LIBELLI,

## CAPVT PRIMVM.

*Amphitheatra crebra admodum in prouinciis fuisse:  
eorumque aliquot recensio.*



I ædificij aut publici operis vllum genus crebrum in Italiâ & prouinciis fuit: reperies hoc fuisse, quod ad ludos. Vt enim Romani victis gentibus linguam & mores intulere: sic vitia. hæc præsertim, quæ blandiebantur, & admissione sibi postulabant specie quadam amœnæ voluptatis. Itaque Theatra, Circi, Stadia exstructa passim: sed imprimis Amphitheatra, quia omnis plebs dedita maximè in spectaculis illis crudis & cruentis. Historix passim docent, & Christiana item Martyrologia; in quibus toties mentio puri illius sacrique sanguinis in ferinâ hac sede effusi. Quod si tamen non ingerant libri: certè oculi, cum etiam nunc ruinæ & reliquæ vbique occurrant infeliciū locorum. Et de aliis prouinciis dubitemus? Ecce Iudæa illa ipsa conscia dei veri, dei magni, in hanc culpam venisse reperietur: quamquam sine suâ penè culpâ. Herodes enim, magnificus sanè & cetera illustis rex, non vno loco Iudææ Amphitheatra inædificauit: siue ipse pronus in eos ludos, siue studio quodam hac quoque parte placendi Romanis. Ex-

Amphitheatra passim in prouinciis.

Plebs addita sæuis ludis plerumque. Martyres obiecti bestiis.

In ipsa Iudæa, Amphitheatra: Herode struxit.

struxit in ipsâ vrbe sacrâ, ἐν τῇ πεδίῳ, vt Iosephus ait, Ἀμφιδέατρον μέγιστον. Item Cæsareæ, ait idem scriptor, ἀμφιδέατρον κατεσκευάσθη πολὺν ὄχλον ἀνθρώπων δέχεται δυνάμειον. Nec de Græciâ mihi aliquis dubitet, Africâ, Asiâ, Hispaniâ, Galliâ, non certè is, qui res & mores in parte norit sæculi vetusti. Audeo adfirmare, raram aliquam siue coloniam siue municipium fuisse, in quæis non & ludii isti, & ludorum simul sedes. Adeò velut tabes quædâ, animos omnium peruaserau ludicrum istud studium, an furor. Itaque vix aliqua prouincia etiâ nunc est, in quâ non vestigia Amphitheatrorum: quædam obscura & fugientia longo æuo, quædam clarius exstantia & viua in parte. Quorum non equidem accuratum Indicem polliceor: (multa me fugiunt, scio:) sed pauca tâtum fidei causâ subiiciam, visa nobis aut firmiter audita.

In orbe item  
toto Roma-  
no.

Reliquia id  
decet  
et alia sunt  
quædamque

Index Am-  
phitheatro-  
rum aliquot,  
quæ hodiè.  
\* Hodiè Tra-  
iecto.

Exstat igitur hodieque in Italiâ, ad Lyrim Cápantiæ Aquinum (Garigliano nunc dicunt) iuxta \* Minurnas, pars Amphitheatri latericij benè conspicua.

Exstat secundo, Puteolis, pariter Amphitheatrum latericium.

Tertio, Capuæ, sed magnificum & è solido marmore.

Quarto, Albæ in Latio; è quâ materiâ (nō enim vidi aut accepi) mihi incertum.

Quinto, Oriculi, in Vmbriâ. materiem ignoro.

Sexto Verona pulcherrimum: cuius pleniorē descriptionem, vnâ cum designatione mox dabo.

Hæc, quod sciam, in Italiâ.

At in Græciâ etiâ, Athenarum veterum solo conspici aiunt magnificum & marmoreum.

In Istriâ,



In Istriâ, Polæ ad mare Hadriaticum: quod item  
 mox subiiciam.

In Hispaniâ, Hispali extra muros, nisi fallor: pul-  
 chrum, sed cuius formam nancisci mihi non fuit.

In Galliâ, Perigeusij in Petrocoriis (urbem eam,  
 Vefunam Ptolomæi fuisse: volunt) pulchrum & satis  
 integrum, extra moenia. cuius icunculam vidi, sed  
 parum exactam aut certam: ideoque mihi non po-  
 nendam. E lapide quadrato est, & Arenæ eius lon-  
 gitudò x x x perticarum, latitudo, x x.

Arelate etiam esse aiunt, sed parum integrum.

Burdegalæ exstat, quod videre multi: nec descri-  
 ptionem tamen sum nactus.

Nemausi est celebre & notum, cuius infra do-  
 formam.

Ad Ligèrim mirû, & quod miror haud satis no-  
 tum: cuius item do formam.

Hæc præcipua, quæ satis quidẽ certò acceperim,  
 in nostrâ Europâ. nisi quod etiam in Heluetiis ex-  
 stat, Auentici.

Dignum autem notâ, quòd etiam hodiè hæc  
 omnia ferè loca, Arenas appellant: retentâ priscâ sci-  
 licet & vulgatâ voce.

Amphithea-  
 tra, vulgò  
 Arenæ.

## CAPVT II.

De Veronensi Amphitheatro: Et primò, quando, vel à  
 quo structum.

**P**os T illud Romanû, inter pulcherrima & inte-  
 gerrima Veronensè Amphitheatrû esse fatemur.  
 quod è marmore totum. Quando, & quis struxerit,  
 multi,

Veronensè,  
 marmoreû.

De suo eius  
quæsitum.

Quidam ad  
Augustum  
referunt.

Leuibus his  
argumentis.

Quæ refu-  
tamus.

Amphithea-  
tra posterius  
nata, quam  
Theatra.

Taurina ca-  
pita, pater-  
ga operum  
sunt.

multi & diu quærunt. Torellus Sarayna, qui Vero-  
nam suam descripsit adfectu magis. eximio, quam  
succesſu, suadet nobis valdè vetus eſſe & ſtructurum  
ante tempora Auguſti, aut certè illiſiſſis. Sed argu-  
menta huic rei quæ adſert, nō ſunt proſectò à deâ Pi-  
tho. quæ recenſebo & refellam breuiter, vt in re lu-  
dicrà, per luſum. Iamprimum hoc ſibi ſumit, Am-  
phitheatrum antiquius eſſe quàm Theatrum, quod  
ibidem cōſpicitur iuxta Atheſim flumen. At Thea-  
trum hoc exſtructurum eſt, inquit, ab Auguſto. magis  
igitur Amphitheatrum. Item: lapides in eo aliquot  
tauri effigiem habēt inſculptam. taurus autem, ſym-  
bolum Auguſti: quoniam & in nummis expreſſus, &  
ulatus ipſe ad Capita bubula, vt Suetonius teſtatur.  
clarum igitur Auguſti hoc eſſe opus. Sed & lapis a-  
lius Veronæ, qui præfert, O C T A V I A E C. P. ET.  
S O R O R I. C A R I S S I M A E. conſtat verò Octa-  
uiam hanc ſororem fuiſſe Auguſti. Denique duo-  
detriginta colonias per Italiam Auguſtus deduxit,  
caſque variis operibus inſtruxit, narrante Trāquillo:  
inter eas Veronam fuiſſe, nihil ambigendum. En ar-  
gumenta, è plumbo an è vitro? Nec refellam, niſi li-  
beat mihi paullisper ridere mimicum hūc riſum. Ait  
primò, Amphitheatrū antiquius Theatro eſſe. Non  
credo. & cauſſa hæc, quia vbique ferè locorum, lu-  
di ſcænici priores origine & vſu muneribus iſtis:  
igitur & eorum ſedes. Quid opponis? tauros. & illi,  
inquis, inſculpti in hoc opere. Quid tum? nempe vt  
ornamentum operis, non vt auctoris indiçiū. Quòd  
ſi omnia ad Auguſtum trahes, vbi tauri: quīs finis?  
Etiam

Etiā Nemaufense illud gloriabitur structore Augu-  
sto. Sed tamen hoc eius Principis symbolum: quo-  
niam nummi Augustæi, cum impresso tauro. Etiam  
aliorum, ô bone senex, quia taurus siue bos coloniæ  
deductæ nota, non peculiare aliquod signum. At  
enim Augustus natus ad capita bubula. O tu quo-  
que inter ea! & ignosce. non enim vltà comprimo  
hunc lienem: non, si ego obiiciendus vero tauro. Sed  
in Octaviâ etiam es suavior. ais illam fuisse sororem  
Augusti. Quis tibi fecit indicium? ego inò illum la-  
pidem sepulcralem fuisse verius auguror, & municipi-  
palis alicuius Octaviæ: non illius Principalis, quæ  
mortua & sepulta Romæ. Nam de coloniis, & per  
eas Augusti operibus sparsis: communiter nō nega-  
mus. ad Veronâ tuam si adstringis, opus sit alio re-  
ste. Sed ecce quoque eum, inquis. Nam Cyriacus  
Anconitanus in Itinerario suo scribit his verbis: *De-*  
*nique Veronam feracissimam & antiquam civitatem venit,*  
*vbi non exigua veterum monimenta comperit, præsertim*  
*Labyrinthum quod Arena nunc dicitur. & habetur quòd*  
*constructum fuerit anno imperij Octaviani Augusti triges-*  
*monono. Cuius pars exterior terræ motibus corruit.* Tibi-  
cen hic aliquis, fateor: sed parū firmus. Famæ enim  
innititur: quæ in his talibus, plurimum fallax. Et cur  
credam Augusti ævo structum in coloniâ hoc egre-  
gium opus: cū ne Romæ quidem tunc fuerit, & in  
vrbe matre? Nam Amphitheatra mansura & lapidea  
tardè ibi cœpère, & sub Augusto. Valdè autem veri-  
simile, exemplum illinc manasse ad vrbes subditas &  
minores: non autem contrà. Itaque Taurello nostro

Bes in Nū-  
mis Colo-  
niam notat.

Cyriacus  
cum Torel-  
lo facit.

Sedei quo-  
que fides ab-  
rogata.



Sigonij opi-  
ni super  
hære, lib. I.  
Hist. occid.

Denique,  
mea.

\* lib. VI.

Placentiæ  
egregium  
olim Am-  
phitheatru.

Quâ mate-  
rie fuerit, &  
quomodo  
amburi fa-  
cile.

sive Cyriaco, nihil adsentior de tam grandi ævo. Æ-  
grè etiam Carolo Sigonio prælustri viro, qui nimis  
nouitium facit, & refert ad Maximiani ævum: hoc  
solo argumento, quòd is in viciniâ pleraq. condide-  
rit ampla & magnifica, Mediolani, Aquileiæ, Brixia.  
Ego, etsi certus sum nihil in hære esse certi, tamen  
paullò antiquius quàm pro illo Principe suspicer. Pri-  
mùm, quia iamtum Plinij Secundi ævo, Gladiato-  
rum & Ferarum spectacula Veronæ satis crebra præit  
ipse in\* Epistolis, in quadam ad Maximum Africa-  
num. Deinde, Othonis & Vitellij principatu, Placen-  
tiæ vicinisq. opidis insignia Amphitheatra fuisse scio:  
quî minus tunc Veronæ? Certè de Placentino, egre-  
gium testimonium Corn. Taciti, secundo Historia-  
rum: *In eo certamine PVLCHERRIMVM AMPHI-  
THEATRI OPVS situm extra muros conflagrauit. sive  
ab oppugnatoribus incensum, dum faces iaculantur: sive ab  
obsessis, dum regerunt. Municipale vulgus pronum ad su-  
spiciones, fraude illata ignis alimenta credidit à quibusdam  
VICINIS COLONIIS, inuidia emulatione, quòd  
NULLA IN ITALIA MOLES TAM CAPAX  
esset. Vbi & laudes eius ampli operis amplas vides: &  
simul (si attendis) crebra iam & vulgata per Italiam  
Amphitheatra fuisse. Sed quod combustum Placen-  
tinum illud ait: fortasse hæreas. & quid? fuitne igitur  
ligneum? De toto, non opinor de parte, suspicor: eâ  
scilicet, quæ subsellia & gradus internè complexa. At  
exteriora omnia, firma & è lapide fuisse censeo. ni  
fuissent: cur vt de magnâ iacturâ aliquâ historicus  
noster questus? Fuerit igitur ad eam formam, ad  
quam*

QVAE EXTRA ROMAM LIBEL. 91  
quam Polanum illud, quo de infrà. Nec plura de or-  
tu Veronenſis Amphitheatri dico, aut magis certa.  
En ipſam formam: nō eam prorsus quidem vti nunc  
conſpicitur, ſed adiutam, vt ſolet, leuiter ab antiqua-  
riis & Architectis. Ex iis enim quæ reſtant, facile  
conceptu totum opus & deſignatu.

Huc pertinet figura Amphitheatri Veronenſis.

### CAPVT III.

*Deſcriptio eius diſtincta magis, et dimenſio.*

**A**DDAM nonnulla quæ ad formæ eius intelle-  
ctum: & quod penicillus non potuit, calamus  
hic mihi explebit. Paries totus exterior (Alam. vulgò  
vocant) è marmore eſt, opere quod Ruſticū dicitur  
factus. Diuiditur in Arcuum tres ordines, qui alij ſu-  
per alios ſcandunt. Quiſque ordo, Arcus continet ſi-  
ue fornices ſeptuaginta duo. In ſupremo ordine, ſta-  
tuæ olim columnis adſitæ vel inſitæ potiùs, vti veſti-  
gia docent. Supra eum ordinem, paries adſurrexit, in  
quo fenestræ grandes, quadratæ, LXXII. Earum  
vſus, me quidem iudice, ad aërem & lucem haurien-  
dam, cū Amphitheatrum velis tectum. ſiue etiam  
ad vêtum: quia refrigerio certè opus, in æſtu, & con-  
curſu tot animarum. nec alius huiusmodi forami-  
num vſus cenſendus, in illo etiam Romano. Ar-  
cuum dimenſio, auctore Sebaſtiano Serlio eximio  
architecto, hæc. Primi arcus altitudo pedum XXIII.  
latitudo, XI I.

Marmoreū  
Veronenſe  
Amphithea-  
trum.  
Triplici or-  
dine Arcuū.  
Statuæ ad  
columnas  
ſuperas.

Vſus fen-  
strarum  
quarundam.

Columnarum vtrimque altitudo, pedum XXVII.

M 2

Epistylj

Epistylj deinde, Zophori, Coronicis, pedum circiter  
VIII. & s.

Altitudo secundi arcus, pedum  $\text{xxiii}$ . latitudo,  $\text{xii}$ . Columnarum eius altitudo ped.  $\text{xxvii}$ . s. Epistylj, Zophori, Coronicis, pedum  $\text{ix}$ . s.

Tertij arcus altitudo, pedum  $\text{xvii}$ . s. latitudo  $\text{ix}$ . s. Columnarum,  $\text{xx}$ . s. Coronicis,  $\text{v}$ .

Porticus tri-  
plex iuncta.

Earum men-  
suratio.  
Portæ plures  
in Amphitheatro.

Eius dimen-  
sio interior.

\* Alij tamen  
plures volūt.

Graduum  
numerus &  
dimensio.

Præcinctio.  
Scalaria.

Quam ca-  
pax cauea  
tota fuerit.

In parte imâ (ad terram enim iterum descēdo) tri-  
plex continuatur Porticuum ordo, quæ ambiunt &  
sustinent totum opus. Ex iis, Porticus extrema, lata  
pedes  $\text{xiii}$ . Media, pedes  $\text{ix}$ . s. Intima, pedes  $\text{viii}$ .  
s. Ex hac, portæ siue aditus decem & octo in Aren-  
nam. interque eas duæ grandiores oppositæ, quæ  
longissimum Amphitheatrum est. quarum latitudo,  
pedum  $\text{xii}$ . vnciarum  $\text{vi}$ . At Arenæ ipsius longi-  
tudo, perticas continet  $\text{xxviii}$ . latitudo,  $\text{xxii}$ .  
ita vt in perticâ pedes numeres  $\text{vi}$ . Gradus spectacu-  
lorum (\* Torello definiente) non plus quadraginta-  
duo: alti singuli pedem & vncias  $\text{ii}$ . lati, pedes  $\text{ii}$ .  
Excipio quod in mediâ caueâ, gradus vnus est excel-  
sior: (vnum dico, ex Torelli mente. nam qui For-  
mam hanc nostram concepit, tres adnotauit.) qui al-  
tus pedes  $\text{ii}$ . vncias  $\text{vi}$ . Eum, Præcinctionem siue  
Diazoma censemus. At Scalares gradus, qui ad Vo-  
mitoria: minores scilicet, quàm illi sessiles, nec alti  
plus quàm vncias  $\text{vii}$ . lati tamen adæquè ac sessiles.  
Sedere in his Gradibus potuere, Torelli calculo, ho-  
minum ad viginti tria millia centum octogintaquattuor:  
ita vt singulis pes & medius adsignetur ad sessio-  
nem. Harum omnium mensurarum auctores mihi

Torellus




Torellus & Serlius: nec in re quæ manuum & linearum Auctores, quibus hic auctor.  
est, fidem meam ego temerè obstringam. Plura &  
magis minuta quisquis voles, apud eos vide.

## CAPVT IIII.

*De Amphitheatro, quod Pola.*

**P**OLAM urbem Istriæ maritimam esse scimus, Pola ad Mare superum.  
loniam Romanorum priscâ, & quæ Iulia Pietas  
olim dicta. In hac vestigia & reliquæ multæ anti-  
quorum operum: duumque inprimis insignium,  
Theatri & Amphitheatri. Vtrumque Seb. Serlio Seb. Serlij laus. ac-  
curatè descriptum: cui viro præter proprias laudes,  
obuenticia illa accedit, quòd doctor & ductor fuit  
ad Architectonicen, Gulielmo illi Philandro, viro Item Philandri.  
verè perito & apud magnos magno. Sed hoc Am-  
phitheatrum Polanum aliâ quâdam formâ & facie Nova forma Polani Amphitheatri.  
structum, quàm ea quæ alibi videmus: ideoque iure  
me allicuit ad exprimendum. Non enim è lapide aut  
vno opere tota moles fuit: sed exterior tantum pars, Semilapideum fuit, & semiligneum.  
quæ lapide quadro adfurgit cum columnis suis, opere  
item Rustico facta. At interiora omnia mēbra, sub-  
sellia, aditus, gradus, podia è ligno fuisse certum est, &  
pro temporis construi potuisse, destruique. Itaque ho- Intus hodiè vacuum: lignis videlicet igne, vel quâ aliâ vi assumpris.  
diè totum illud internum vacuum apparet, nudo  
tantum muro: & quod in tabellâ nostrâ expletum  
hic vides, à manu est & mente Serlianâ. Situm est in  
vrbe mediâ, ad montem, totiusque operis dimensio-  
nes pete, si voles, ab eo quæ dixi, accurato architecto.



## CAPVT V.

*De Amphitheatro Nemaufensi.*

**N**O TI hoc nominis & celebris, non per Galliam solùm, sed per Europam. Et credunt multi eximium etiam olim opus fuisse: non ego, qui scio maiora multò & operosa magis habuisse\* Lugdunum, Viennam, & nobiles illas Galliae vrbes. Præ quibus, quid Nemausus? Nomen tamen non iniuriâ retinet: quia & pulchrum est quod satis sit, & integrum magnâ parte. Quando vel à quo structum, nescimus: nec nugari mihi aut rixari iterum cum aliis lubet. Formam eius saltem dimidiatam hîc adpono. cetera vide & quære apud Iohannem Poldum Albenatem, in libro quem inscripsit Antiquitates Nemausi.


Nemaufense non olim inter maxima.

\* Vtrobique hic Amphitheatra nominat Eusebius in Eccl. Hister.

Ortus eius ignotus.

AMPH.






AMPH. NEMAUS.



AMPHITHEATRE VERONENSE.







## CAPVT VI.

*De Amphitheatro (incola siue accola potius, Arenas etiam  
hodie vocant) quod ad Ligerim, iuxta Doueonam. in  
quo describendo fidem meam nihil tamen obligo. vetusne  
an nouum, vera commensuratio an falsa, pendeat à meo  
auctore.*

**A**MPHITHEATRUM mihi superest mi-  
rum, nouum: & quod latere tamdiu in illâ  
Galliæ luce potuisse vix fides. Nullumne ex tot cu-  
riosiss & auidis ingeniis vidisse, notasse, prodidisse?  
nullum. Itaque fateor. cùm delata primùm ad me  
res fuit (delata autem ab Cornelio Aquano, viro  
eiusmodi monumentorum veterum diligente:) hæsi,  
medius inter credendi temeritatem & pudorem reii-  
ciendi. Valdè enim ille adseuerabat. & simul For-  
ma, quam offerebat, videbatur non esse nouitiæ aut  
calidæ inuentionis. Tamen etiam hærebam. donec  
perueni ecce ad caput ipsum famæ & huius & for-  
mæ, qui non auribus suis, sed oculis sensibusque id  
credi volebat. Cur repugnarem? vidisse seriò adfir-  
mabar, calcasse, deformasse. Is fuit Læuinus Kersina-  
kerus, vir grauitate & doctrinâ apud nos notus: qui  
in finitimis huic Amphitheatro locis, aliquot annos  
egit. Non semel ipse lustrârat, non semel cum eo  
alij: quos etiam nunc viuos nec procul positos, te-  
stes aduocabat obseruationis suæ & dimensionis. Ita-  
que ausus sum hac fiduciâ Formam totius operis da-  
re & descriptionem: quæ à mente quidem & linguâ  
N aliena

Diu irreper-  
tum Amphithe-  
atrum, &  
tamen re-  
pertum.

Quis mihi  
auctor huius  
descriptionis  
totius.

aliena erit, à stilo tamen & ordine nostro. in quo si-  
quid peccabo, designando aut diuiniendo: quæ mea  
culpa esse potest, præter credulitatem? quam non ni-  
mis herclè deprecor, quoniam reuerâ, vt Comicus  
ille ait,

\* Hic morbus  
esse proprius  
boni amat.

\* ΑΥΤΗ ΓΕ ΧΡΗΣΑΝ ΕΣΤΙΝ ΑΝΘΡΩΠΩΝ Η ΡΩΣΟΣ.

Semi-nati-  
uum Amphi-  
theatrum.  
Vbi id sitū.

\* Vulgò pont  
du Sey.  
\* Gallis  
Dowé.

Montis de-  
scriptio.

Quâ parte  
eius, hoc  
opus.

Est igitur hoc Amphitheatrum, quod dico, ma-  
nu quidem & arte humanâ factum; sed ita, vt videri  
possit à naturâ. totum enim excisum & cauatum est  
in monte, sine externâ vllâ materiatione calcis, lapi-  
dis, ligni. Mons in quo & è quo id est, abest plus  
minus diei mediæ itinere à Ligeri fluuio, parte eâ quâ  
ab Andegauis in Pictones itur: vbi pons priscus, quē  
Cæsaris aliqui appellant. Pagus haud procul inde,  
qui dicitur\* Douæus. Mons est lapideus totus, cuius  
generis ibi plures: sed lapide tamen non planè duro,  
qui quē cæsura in & ferrum facillè admittat. Color ei,  
qualis Tyburtino: è quo Titi Romæ Amphitheatrū  
est. Magnitudo montis, paullò minus milliare Gal-  
licum in latitudine; in longitudine, duo circiter con-  
tinet. sed ea tamen facies, vt in edito satis plantis &  
iacens sit, & ab lateribus vtriusque clementer adsur-  
gat. Cortex, vt sic dicam, & tegumentum vniuersi  
montis, è terrâ est: viscera tantum è lapide. Ideoque  
non gramine solū, sed segete sæpè vestitur. In sum-  
mo, sed paullò tamen ad latus, hoc Amphitheatrum  
repperis; haud facillimè, quia etiam præcios, nisi  
intendant animum, fallat. Cū enim supernè despi-  
cis, aliquem cauū aut puteū censebis, ex istis qui ob  
lapidum

lapidum excidia vulgati ibi & crebri. Atqui aliud profectò opus est: & à Dædalo quopiam acutè inuentum, adfabrè factum. Gradus subscelliorum à summo margine statim incipiunt; minuunturque, vt solet, paullatim euntes in decliue. A summo, dico, incipiunt: vt nunc quidem aspectus est. olim vix ambigo, quin cancelli aut\* murus aliquis circumpositus fuerit, siue ad ornandum siue magis ad seruandum. Aliquid enim certè sepimenti fuisse debet, ad pecudes arcendas & petulcos. At nūc tamen descendens, pedem statim ponis in ipsis gradibus: quorum, primo initu, confusus satis ad spectus. Terrā enim & puluere cottidie complentur: quæ ventus inuehit aut imber. Itaque gramen etiam ibi passim: & formosa olim nec ad hunc vsū loca, perambulant informes oues. Qui hæc nobis narrauit, addebat, cultris & ferramentis ea omnia à se & comitibus perpurgata, vt formam intuerentur exactè. Gradus aiebat esse numero LIV. quorum supremus, latus capaxque in orbem ped. DCCXLII. Linea dimetiens in summo, longa pedes CCCXXXVI. At ab imo gradu, statim sequitur murus, qui Podium attollit & Arenam claudit: estque altus pedes IX. Inde area: & in eā mediā (præter morem quidem omnium eiusmodi theatrorum, quod sciam) tumulus quidam rotundus, eleuatus, ex eodem lapide: altus pedes VI. aut paullò amplius: longus in diametro, pedes XXX. Is planus in superficie & æquus; excipio quod ad oras à medio paullum vergit & declinat. In eo ipso tumulo, æquis

Gradus in margine, & à margine summo.

\* Isque cum suis portis etianuis. Non enim hic remissiora vlla aut Aditus alij in gradibus.

Gradus gramine obstiti & terrā.

Eorum numerus.

Amplitudo loci in summo. Podij murus. Arena, & in eā tumulus.

Foramina in tumulo.



Putealia, ad  
ea regenda.

Scalae, ad  
ostiola.

Foramina  
alia ad lu-  
cem.

Cavus in  
medio tu-  
muli.

Cui vsui.

Arenæ reli-  
quæ forma.

interuallis, sex foramina quædam rotunda item, lata pedes v. quibus imposita vel adiuncta putealia (omnia, semel dictum volo, ex vno eodemque lapide) paullo grandiora quam ipsa foramina, vti necessum, contra illapsum. His putealibus inserti annuli crassi ferrei fuere, (vestigia & ærugo clarè docent:) vt baculo iis inserto, adiuuari possent vel amoueri. Nam aliàs, pondus iis satis grande, quodque duo homines ægrè commouerint. Hæc foramina velut ostiola sunt, quæ per scalas quasdam cochlides siue incuruas, ad Viam infra ducunt de quâ mox dicâ. Scalae igitur totidem, quot foramina: quæ singulæ gradibus nō magnis xiii. constabant. In orbē tumuli, in ipso muro, foramina quadra exsecta, quæ Scalis illis lumen infundebant ad ascensum aut descensum. Foramina hæc singula, ita collocata, vt vnū seruire Scalis duabus possit; velut ex icone vides. At in meditullio ipso huius tumuli, cavus est rotundus siue puteus: quem ambigebat meus doctor antiquumne diceret, an ab histrionibus illis factum, de quibus mox referam. Certè ij. vsi sunt ad malum defigendum: à quo funes dependērent, & per eos fluitantia vela. Formæ nostræ sculptor haud satis aptè id expressit: captu alioqui pronum.

Circa hunc tumulum, vt dixi, depressior multò Area ambit: quæ lata vndique vsque ad murum podij, pedes xv. Itadiametrum totius Arenæ esse oportet, pedum Lx.

Hæc Amphitheatri ipsius imago. at iuxta ipsum,  
in eius

in eius latere bina grandia & rotunda, siue Cubicula  
 siue potius Cameræ occurrūt: in eodem illo lapideo  
 monte seorsum excisa. Forma eorum velut pillei  
 nautici, siue prisci Romani. Lata sunt in imo, pedes  
 circiter LXXX. sed in altum paulatim arctantur.  
 In fastigio vtriusq. Foramen patet rotundum, gran-  
 de pedes 1 x: quod ad lumen infundendum feruit:  
 prorsus eo modo quo Romæ, in Agrippæ vidimus  
 templo. Cubicula hæc, cetera paria sunt: hoc diffe-  
 rūt, quod vnum, aditus peregrè habet, alterum, non  
 habet. Ita enim sita sunt, vt alterum Internum videat-  
 ur, alterum Externum. Per hoc, in illud ingressus  
 paret; per breuem & fornicatam viam: aliàs vndique  
 clausum. At Externum aditus siue vias habet tres.  
 Prima ducit subterraneo meatu ad Tumulum qui in  
 Arenâ, & per Scalas illas ad ostiola tendit. ita vt infra  
 gradus omnes subselliorum totumque Amphithea-  
 trum abeat, vti cogitanti clarum. Longitudo primæ  
 huius viæ pedes CXXV. latitudo, ped. VII. altitudo,  
 ped. VIII. Altera paullò breuior, pariter meatu infe-  
 ro tēdit infra omnes gradus, & in\* muro podij emer-  
 git: ita, inquam, vt in Arenam ipsam rectā ducat.  
 Hæc priore minus lata, minus ampla. Tertia via, op-  
 posita istis, foras spectabat & vallem montis. Per  
 eam ingressus in hoc Cubiculum: per eam item, vt  
 apparet, omnis pluuiæ & confluges aquarum deriuatæ  
 è toto Theatro Cubiculisque. Forma harum via-  
 rum similis. factæ omnes in lapideo monte, & ca-  
 uatæ in\* arcum.

Cubicula  
 adiuncta  
 Amphithea-  
 tro.

Situs & de-  
 scriptio co-  
 rum.

Via in alte-  
 rotres.

\* Nec alia in  
 muro illo por-  
 tula: contra,  
 quam in Ro-  
 mano aliisq.

\* Sic tamen  
 vt in acutis  
 panē desine-  
 rent, came-  
 ratione huius  
 plani rotan-  
 da.

De vſu huius loci.

Quæ neſcias Amphitheatralem, an Theatralem facias. Sunt enim quæ repugnant Amphitheatro.

Et Theatro potius adiudicent.

Cui tamen alia iterum obſtant.

\*Ita inquit, ut dimidiata tantum loci pars inſeſſa

amphitheatro

Opus eiusque membra (vt quidem conceptus & expreſſio mea ferunt) ſic habent: vſum, ſi placet, breuiter & leuiter delibemus. qui mihi etiam haud ſatis certus. Nam forma ipſa Amphitheatri videtur. clauſum enim in orbem vndique. & vix tamen eſt vt Amphitheatralis vſus. Primum tumultus ille qui in medio ſurrectior, quid ad pugnam aut curſum? Æquitatem enim ea res & planiciem poſtulat, non tumorem aut colles. Deinde area ipſa circumiecta, nonne exigua & anguſta ad Venationes? certè apparet. Quomodo enim ſatis liber in illo quindenū pedum ſpatio, curſus ferarum hominumque, ac reſcurſus? An de Theatrali & ſcænico igitur vſu verius eſt? Non abhorret ille tumultus: qui inſtar Scænæ rettuliſſe videtur, in quâ ſpectari poſſet & audiri perſonæ. Foramina etiam illa ſcena, non incommodum vſum habuiſſe videntur, ad actores pro tempore ſubmittendos aut recipiendos. Choragium enim omne inſtrui in cubiculis illis adiunctis occultè potuit: exque iis ornati & parati hiſtriones, viâ ſubterraneâ, venire in hanc Scenam. Sed circumiectæ areae tum quid fiet? cui rei ſeruiet? Denique rotunditas illa loci & graduum orbis, quomodo idonea Theatro? Vultus enim certè loquentium agentiumque, obuerti in vnam partem tantum poſſunt: nec audiri aut cerni cōmodè ab iis, qui à tergo. Ideo Theatra hemicycli ſemper imagine facta, bono iure. Niſi ſi fortasſe velo aut diſcrimine aliquo pars tumuli diuiſa, & ſpectatores coacti in graduum\* vnâ parte. Sanè fateor lip-  
pire hîc



pire hîc mihi oculos, nec capere visionem omnem huius loci satis certò. De gladiatoribus tantum nihil impedire videtur, quin adfirmem. quibus locus in arcâ illâ satis latus, quoniam in gradu ferè inter pugnandum manebant & in statu. Sed quid singulatum circumeo? credo reuerâ varium & miscellum huius loci usum fuisse: ideoque formam eius mixtam, nec aptam ad ludicrum vnum. Potuit Venatio in eo dari, sed ferarum paucarum: potuere gladiatores: potuere histriones aut mimi: potuere velut in Stadio luctatores & pugiles. quod ipsum genus ludi, valde crebrum & gratiosum in prouinciis fuisse, indicat & indignatur Tertullianus.

Gladiatores  
potuisse  
commodè  
hic dari.

Mixtū fuisse  
huius loci  
usum.

Cubicula quæ ad latus, mihi noua & ignoti finis. potuere tamen instar Spoliarij esse, siue etiam Odæi. quod vtrumque genus adiungi Amphitheatris vel Theatris suis solere, scimus. Receptacula etiam non incommodè fuerint, ad omnem scænicum aut arenarium apparatus.

Cui vsui  
Cubicula.

Pagum autem hunc, qui Amphitheatro haud longinquus, olim aliquid amplius fuisse: satis conuincamus vel hoc non pagani operis argumento. Viæ etiam antiquæ & publicæ reliquiis, quæ ex hoc pago pertinuit ad pontem Cæsarianum. cuius viæ pars conspicitur: pars maxima corrupta est, & lapides in ædificia variè absumpti aut aucti. Sed & incolæ ipsi antiquitatē aliquam iactant, & Druides sedem habuisse apud se volunt. Ceterum bella vetera fortasse, & (quod magis constat) Anglicana, incendiis quid-

De pago  
ipso, qui an-  
tiquis.

\*Resse enim  
ex Dione,  
Dionis cur-  
ia a voce,  
ut solet.

diis quidquid & quo nomine id fuit delerunt.\* Do-  
ueonam Ptolomæi fuisse, non vanè ego suspicer, ex  
nominiis quod pagus nunc præfert claro argumento,  
& collocatio ipsa Ptolomæi non dissidet.

Histriones  
non ita nu-  
per hunc lo-  
cum cele-  
brarunt.

Edictum re-  
gis, pro  
Theatro.

Narrant regem vel heroëm potiùs, verè magnum  
Franciscum, anno .m. lxxxi. circumforaneis  
quibusdam histrionibus, qui Apostolorum acta re-  
præsentabant, permisisse hunc Amphitheatri locum  
ad spectacula ea edenda. Illos purgasse, ornasse, &  
magnum populum contraxisse. ex quo cōuentu, qui  
dies triginta perseverauit, multum atque vberem  
quæstum ad paganos rediisse. Eâ re motos, impetra-  
se à rege, Nequis in posterum illic lapidem excidisse  
vellet, propiùs ab eo Amphitheatro perticas xxx.  
Crebris enim effossionibus, ab sq. eo interdicto fuis-  
set, interitus iam imminebat huic loco. Tantum  
sciui, tantum audiui. siquid aliter est: mendacium  
ego fortasse dixi, at non sum mentitus.

LES





LES ARENES A DOVE EN POICTOV.


LAVINUS F. AN. 1584

MERYDIES

ORIENS

OCCIDENS


SEPTENTRIO











AMPHIT. DOVEON

**M**ONITVM te volo, Lector, incidisse  
*me cum hac scripsissem, in Elia Vineti*  
*eruditissimi viri libellum, qui Burdiga-*  
*lensium Antiquitates continebat, vulgatâ*  
*Gallorum linguâ. In eo de Amphitheatro*  
*eius urbis, hac fere. Situm esse ab urbe ve-*  
*teri CCCC. circiter passibus. Longitudinem*  
*arenae eius esse pedum CCCLXX. latitudinem,*  
*CCXXX. Vulgò palatium Gallieni appellari,*  
*fortasse eò quòd is Princeps exstruxerit. Vo-*  
*cari etiam Arenam: idq; nomen exstare in*  
*monumentis Ecclesia S. Severini. Formam*  
*eius etiam vidi & accepi ab amico: sed in*  
*quâ pretium nullum expressionis.*

PRIVILEGII CÆSAREI SYMMA.

MAXIMILIANI II. Romanorum Imperatoris semper Augusti, publico edicto  
cautum & sancitum esse ne quis cuiuscunque status, gradus, ordinis, aut conditionis fuerit,  
quacunque sacri Romani Imperij & ditionis civis sine parent, quacunque probatorum  
auctorum opera, quotquot vel haecenus nondum impressa, vel ab alijs quide impressa, no-  
vis autem deinceps scholijs, annotationibus aut commentarijs audita & illustrata, Chri-  
stophorus Plantinus civis & typographus Antuerpiensis primis typis proeuderit, intra  
proximum sexcentium à prima cuiusque operis aut voluminis editione, vilo pacto civi-  
dem vel diversis characteris forma excudat, aut excutà ab alijs, intra eiusde Maximiliani &  
Imperij fides vendenda importet, seu quovis modo distrahant manifeste vel occulte, sub  
pena decem Marcharum auri puri: quatuor dimidia fisco Imperiali fraudis vindicte, resi-  
dua verò pars praeanonato Plantino cedat, praeter librorum aut imitationem impressio-  
rum amissionem: quos idem Plantinus vbiunque locorum natus fuerit, per se, vel suos,  
adumentum Magistratus loci, vel citra, propria auctoritate sibi vindicare, inque siam po-  
testatem redigere poterit. In cuius rei fidem ipsi Edicto manu subscripserit, & sigillum ap-  
poni iussit Caesarea Maiestas. Datum in civitate Viennae Austriae, die vigesima prima muni-  
cipis Februarij, anno Domini M. D. LXX.

Subfig.

Maximilianus,

Ad mandatum sacrae  
Cæs. M. proprium

Haller.

PRIVILEGIUM GALLIARVM REGIS.

Cavtum Henrici III. Galliarum Regis Privilegio, ne quis in omni  
Cuius regno libros totos, aut in parte, quoscuque Christophorus Plantinus aut  
nomine excuderit, aut videret, sed correctos sive illi scriptos, aut adnotatos, eosce ite-  
nomes excuderit, excudi faciat, aut excusos vendat, usq[ue] intra sexennium d. cuiusque  
libri editione. Id autem hoc sine, ut ne idem Plantinus, laborum suorum, sum-  
ptuumq[ue] meritissimo fructu privetur, coga. urq[ue] tandem intermittere aut omite-  
re laudabile suum munus, cum detrimenta repub. literaria, & doctorum. Qui  
contra fecerit, sciat paratam librorum confiscationem, aliasq[ue] p[er]nas sine multis,  
qua Regijs Edictis continentur. Cum lege tamen, ne idem libri quicquam conti-  
neant, quod vel Religioni Catholica Apostolica Romana, vel huius Regni Statu  
adversetur. Atque huius Edicti exemplar cum fronti aut calci cuiusque operis ap-  
ponetur, nullus typographorum sive bibliopolarum ullam ignorantiam causam pre-  
textat. Datum Fontibellæ, quinta Augusti. M. D. LXXXII.

Signat.

Per Regem

De Neuville.











A FD/79

UNIVERSIDAD DE SEVILLA



600711204

622848541





LIPSIUS

DE  
AMPHI-  
THEATRUM

ACULTA

DE

RECH

F. D.

79